



REPUBLIKA E SHQIPËRISË
KOMISIONI I PROKURIMIT PUBLIK

Nr. 2694/12 prot.

Datë 24.02.2023

V E N D I M
Nr. 143/2023

Komisioni i Prokurimit Publik, i përbërë nga:

Jonaid Myzyri	Kryetar
Fiorent Zguro	Nënkryetar
Kreshnik Ternova	Anëtar
Anila Malaj	Anëtar

Në mbledhjen e datës 24.02.2023 shqyrtoi kërkesën me:

Objekt:

“Shfuqizimi i vendimit të Komisionit të Vlerësimit të Ofertave për skualifikimin e ofertës të paraqitur nga operatori ekonomik “Marketing Distribution” SHPK në procedurën e prokurimit “Procedurë e hapur, mbi kufirin e lartë monetar”, me Nr. REF-35897-07-08-2022, me objekt: Loti II “Blerje Letër A5 "Traktor" (3 kopje), Letër A4 "Traktor" (3 kopje)” me fond limit 33.972.532 lekë pa TVSH, zhvilluar me datë 07.11.2022 nga autoriteti kontraktor, Posta Shqiptare SHA.

Shfuqizimi i vendimit të Komisionit të Vlerësimit të Ofertave për kualifikimin e ofertës të paraqitur nga operatori ekonomik “Inpress” SHPK në procedurën e mësipërme të prokurimit.

Shtimin e arsyeve të skualifikimit për operatorët ekonomikë “Infosoft Office” SHPK dhe “Dynamix Group” SHPK, në procedurën e mësipërme të prokurimit.”

“Shfuqizimi i vendimit të Komisionit të Vlerësimit të Ofertave për skualifikimin e ofertës të paraqitur nga operatori ekonomik “Infosoft Office” SHPK në procedurën e mësipërme të prokurimit.”

Ankimues:

“Adel Co” SHPK
Rruga “Muhamet Gjollesha”, Zogu Zi, Tiranë

“Infosoft Office” SHPK
Autostrada Tiranë – Durrës, Km.8, Kashar, Tiranë

Autoriteti Kontraktor: Posta Shqiptare SHA
Rruga “Reshit Çollaku”, Nr. 4, Tiranë

Subjekte të Interesuar: “Inpress” SHPK
Rruga “Siri Kodra”, Ish Blloku i Magazinave të Tregtisë,
Tiranë

“Marketing & Distribution” SHPK
Autostrada Tirane - Durres, Km.10, Kashar, Tiranë.

“Dynamix Group” SHPK
Rruga “Muhamet Gjollesha”, Godinë 1-katëshe, nr.17, Tiranë

Baza Ligjore: Ligji nr. 162/2020 “Për Prokurimin Publik”, Vendimi i Këshillit të Ministrave nr. 285, datë 19.05.2021 “Për miratimin e rregullave të prokurimit publik”, e ndryshuar, Vendimi i Komisionit të Prokurimit Publik Nr. 766, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik”, Neni 4 i Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”.

Komisioni i Prokurimit Publik, pasi dëgjoi relatorin e çështjes, shqyrtoi parashtrimet me shkrim e pretendimet e ankimuesve, dhe pasi diskutoi çështjen në tërësi,

V ë r e n:

I

Vlerësimi paraprak

I.1. Vlera limit e përlogaritur për procedurën e prokurimit objekt-ankimi është mbi kufirin e lartë monetar, ndaj shqyrtimi dhe vendimmarrja do të gjithë anëtarët, në përputhje me pikën 1, të nenit 30 të ligjit nr. 162/2020 “Për prokurimin publik” dhe Rregullat e Prokurimit Publik.

I.2. Operatorët ekonomikë kanë *prima facie* interes në këtë procedurë prokurimi dhe për këtë arsye legjitimohen për të paraqitur ankesë në lidhje me të. Gjithashtu, KPP konstatoi se ankesat e operatorëve ekonomikë janë paraqitur për të njëjtën procedurë prokurimi, ndaj edhe ankimet e tyre duhet të bashkohen e të shqyrtohen në një gjykim të vetëm.

I.3. Operatorët ekonomikë ankimues, kanë respektuar afatet ligjore të paraqitjes së ankesës pranë autoritetit kontraktor dhe Komisionit të Prokurimit Publik.

II

Rrethanat e çështjes

II.1. Në datën 12.07.2022 në Sistemin e Prokurimeve Elektronike është publikuar procedura e prokurimit “*Procedurë e hapur, mbi kufirin e lartë monetar*”, me Nr. REF-35897-07-08-2022, me objekt: Loti II “*Blerje Letër A5 "Traktor" (3 kopje), Letër A4 "Traktor" (3 kopje)*” me fond limit 33.972.532 lekë pa TVSH, zhvilluar me datë 07.11.2022 nga autoriteti kontraktor, Posta Shqiptare SHA.

II.2. Në datën 21.11.2022, autoriteti kontraktor ka njoftuar operatorët ekonomikë pjesëmarrës me anë të sistemit të prokurimeve elektronike (S.P.E.), mbi rezultatet e vlerësimit të Komisionit të Vlerësimit të Ofertave, të cilët kanë paraqitur ofertat ekonomike (pa TVSH), përkatësisht:

1. “Dynamix Group” SHPK	31.589.400 lekë,	skualifikuar
2. “Infosoft Office” SHPK	31.765.257 lekë,	skualifikuar
3. “Inpress” SHPK	31.913.760 lekë,	kualifikuar
4. “Marketing & Distribution” SHPK	32.972.070 lekë,	kualifikuar
5. “Adel-CO” SHPK	33.294.000 lekë,	kualifikuar
6. “Kristalina - KH” SHPK	Nuk ka paraqitur oferte ekonomike	

II.3. Në datën 25.11.2022, është publikuar Njoftimi i Fituesit në Sistemin e Prokurimit Elektronik, ku rezulton fitues operatori ekonomik “Inpress” SHPK.

II.4. Në datën 02.12.2022 pranë Komisionit të Prokurimit Publik, është administruar ankesa me nr. 2694 prot, datë 02.12.2022 e operatorit ekonomik “Adel Co” SHPK për procedurën e prokurimit. Nga shqyrtimi paraprak i ankesës të sipërcituar, u konstatua se objekti i ankesës lidhet me vendimmarrjen e Komisionit të Vlerësimit të Ofertave mbi kundërshtimin e kualifikimit të operatorëve ekonomikë “Inpress” SHPK, “Marketing & Distribution” SHPK, si dhe lënien të skualifikuar dhe shtimin e arsyeve të skualifikimit për operatorët ekonomikë “Dynamix Group” SHPK dhe “Infosoft Office” SHPK.

II.4.1. Në përputhje me nenin 112 “*Veprimet paraprake*” të Ligjit nr.162/2020 “*Për Prokurimin Publik*”, Komisioni i Prokurimit Publik me marrjen e ankesës, e publikoi atë në bazën e të dhënave të tij, e cila përmban të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e

zhvillimit të procedurës), si dhe është publikuar formulari i publikimit Nr. 2694/2 prot., datë 05.12.2022 lidhur me kriteret për të cilat operatori ekonomik ankimues “Adel Co” SHPK pretendon se nuk përmbushen nga operatorët ekonomik “Inpress” SHPK, “Marketing & Distribution” SHPK, “Dynamix Group” SHPK dhe “Infosoft Office” SHPK, pjesmarrës në këtë procedurë prokurimi.

II.4.2. Me anë të shkresës Nr.1637/64 prot., datë 16.12.2022, protokolluar me tonë me nr. 2694/5 prot., datë 19.12.2022, si dhe shkresës Nr.1637/60 prot., datë 19.12.2022, protokolluar me tonë me nr. 2694/6 prot., datë 20.12.2022, autoriteti kontraktor ka dorëzuar pranë Komisionit të Prokurimit Publik informacion mbi procedurën e mësipërme të prokurimit si dhe aktin e trajtimi të ankesës të operatorit ekonomik ankimues, ku konstatohet se e keni refuzuar atë.

II.5. Operatori ekonomik ankimues “Infosoft Office” SHPK rezulton i skualifikuar nga procedura e prokurimit për arsyet si më poshtë:

2. Nga shqyrtimi i dokumentacionit të paraqitur nga Operatori Ekonomik “InfoSoft Office” SHPK, u konstatua se:

- *I plotëson kriteret e përgjithshme për kualifikim.*
- *I plotëson kriteret për kapacitetin ekonomik dhe financiar për kualifikim*
- *Nuk iplotëson kriteret për kapacitetin teknike për kualifikim*
- *I përmbush specifikimet teknike të paraqitura në DST*

Nga vlerësimi i dokumenteve të paraqitura nga OE “InfoSoftOffice” SHPK sa i takon kriterëve “Kapaciteti teknik” rezulton se për pikën 2.3.4 të DST përcaktohet se:

”2.3.4 Operatori ekonomik duhet të paraqesë autorizim prodhuesi ose distributori i autorizuar për letrat e përdorura për prodhimin e letres traktor, si dhe duhet të dorëzojë skedat teknike për letrat e përdorura gjatë prodhimit të letres traktor, të çertifikuar dhe testuar nga prodhuesi, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, “Traktor” (3 kopje)”; Letër A4 “Traktor” ” (3 kopje)”. Skeda teknike të paraqitet për të dyja llojet e letrës traktor në përputhje me specifikimet teknike përkatëse..

□ *Në lidhje me këtë kriter KVO konsaton se dokumenti i paraqitur nga OE Infosoft Office SHPK - Autorizim (i pretenduar I lëndës së parë) i Prodhuetit “Mitsubish HiTec Paper Europe GmbH” me titullim “Dokument Autorizimi / letter of Authorization” datë 11.08.2022, nuk është në përputhje me kriteret e përcaktuara në DST, ku thuhet se: “Të gjithë dokumentet duhet të jenë origjinalë ose fotokopje të noterizuara të tyre.”, pra dokumentacioni i depozituar në SPE nuk është as origjinal dhe as kopje e njëhsuar me origjinalin.*

Në dokumentacionin e depozituar në SPE nga ana e OE rezulton se dokumentacionin noterial: “Vërtetim Njesie me Origjinalin”, Nr./Rep 5954, datë 03.11.2022, ku përcaktohet: “Dokumenti bashkëngjitur është i njëjtë me mesazhin elektronik i ardhur nga adresa XXXX@infosoftoffice.al në adresën e noterit XXXX@yahoo.com noterizua në emër të

shoqërisë "Infosoft Office" SHPK Rrjedhimisht, ky dokument nuk është paraqitur as në origjinal dhe as në kopje të njehsuar me origjinalin.

□ Në përmbajtje të Dokumentit të paraqitur nga OE Infosoft Office SHPK - Autorizim (I pretenduar i lëndës së parë) i

Prodhuesit Mitsubish HiTec Paper Europe GmbH - me titullim "Dokument Autorizimi / letter of Authorization" datë 11.08.2022, përcaktohet shprehimisht se:.... "deklarojmë se do të furnizojmë "Algrafika" SHPK.. me produktet e prodhuara në fabrikat tona. Algrafika SHPK është distributori ynë i autorizuar për shitjen e letrës pa karbon të prodhuar nga Mitsubish HiTec Paper Europe GmbH për tregun shqiptar, privat apo publik."

Bazuar në përmbajtjen e këtij dokumenti, nuk përcaktohet dhe nuk kuptohet nëse Prodhuesi "Mitsubish HiTec Paper Europe GmbH", do të furnizojë shoqërinë "Algrafika" SHPK me lëndë të parë e nevojshme për prodhimin e letrës traktor, apo do të furnizojë shoqërinë Algrafika SHPK me produktin e gatshëm/final letër traktor

Rrjedhimisht, bazuar në përmbajtjen e këtij dokumenti nuk "...vërtetohet lidhja e prodhuesit dhe/ose distributorit të autorizuar të letrës lënde e parë me prodhuesin e letrës traktor (prodhues i cili pretendohet të jetë shoqëria "Algrafika" SHPK, në rastin konkret).

Gjithashtu problematika janë konstatuar edhe në specifikimet teknike të depozituara nga ana e OE "Infosoft Office" SHPK ku vlerat e paraqitura kishin mospërputhje me vlerat e kërkuara në DST. Kjo vlen si për Letër A5, "Traktor" (3 kopje)" ashtu edhe për Letër A4 "Traktor" " (3 kopje)".

Dokumenti i paraqitur nga OE Infosoft shpk. - Skeda teknike Faqja e parë CB-Coated Back, e dyte CFB coated front and back dhe e tretë coated front - nuk është në përputhje me pikën 2.3.4 të DST, pasi nukë është e certifikuar nga prodhuesi Mitsubish HiTec Paper Europe GmbH.

a) Dokumentit - Skeda teknike Faqja e pare kopje prapa - CB-Coated Back nuk përmban as firmën dhe as vulën e prodhuesit Mitsubish HiTec Paper Europe GmbH apo të distributorit të autorizuar Algrafica shpk.;

b) Dokumentit - Skeda teknike Faqja e dyte - kopje para dhe prapa- CFB coated front and back nuk është as original dhe as kopie e njehsuar me origjinalin.

c) Dokumentit - Skeda teknike Faqja trete- kopja para CF coated front nuk përmban as firmën dhe as vulën e prodhuesit Mitsubish HiTec Paper Europe GmbH apo të distributorit të autorizuar Algrafica shpk.

OE Infosoft Office shpk, ka parqitur dokumentacionin noterial: "Vërtetim Njesie me Origjinalin", Nr./Rep 5951, datë 03.11.2022, ku përcaktohet: "Dokumenti bashkëngjitur është i njejtë me mesazhin elektronik i ardhur nga adresa XXXX@infosoftoffice.al në adresën e noterit XXXX@yahoo.com noterizua në emër të shoqërisë "Infosoft Office shpk." Rrjedhimisht, ky dokument nuk është paraqitur as në origjinal dhe as në kopje të njehsuar me origjinalin.

Nga shqyrtimi i kësaj oferte, në mbështetje me neneve 90 e në vijim të Ligjit Nr. 162, datë 23.12.2020 “Për Prokurimin Publik”, VKM-së Nr.285, datë 19.05.2021 “Për miratimin e Rregullave të Prokurimit Publik” si dhe Dokumenteve Standarde të Tenderit, u konstatua se oferta e paraqitur nga Operatori Ekonomik “Infosoft Office” SHPK nuk është në përputhje me kërkesat e tenderit, duke e cilësuar si ofertë të pavlefshme.

II.5.1. Në datën 05.12.2022 pranë Komisionit të Prokurimit Publik, është administruar ankimi elektronik me nr. A/2022/2763, si dhe nr. protokollit 2710/2022 datë 05.12.2022 e operatorit ekonomik “Infosoft Office” SHPK për procedurën e prokurimit. Nga shqyrtimi paraprak i ankesës të sipërcituar, u konstatua se objekti i ankesës lidhet me vendimmarrjen e Komisionit të Vlerësimit të Ofertave mbi skualifikimin e ofertës të paraqitur nga operatori ekonomik “Infosoft Office” SHPK.

II.5.2. Në përputhje me nenin 112 “Veprimet paraprake” të Ligjit nr.162/2020 “Për Prokurimin Publik”, Komisioni i Prokurimit Publik me marrjen e ankesës, e publikoi atë në bazën e të dhënave të tij, e cila përmban të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe është publikuar formulari i publikimit Nr.2710/2 prot., datë 05.12.2022 lidhur me arsyet e skualifikimit të operatorit ekonomik ankimues “Infosoft Office” SHPK, për të cilat ngrihen pretendime.

II.5.3. Me shkresën nr. 1637/65 prot., datë 16.12.2022, protokolluar me tonën me nr. 2710/4 prot., datë 19.12.2022 me objekt “*Shqyrtim ankese*” është depozituar nga autoriteti kontraktor në Komisionin e Prokurimit Publik akti mbi trajtimin e ankesës së operatorit ekonomik ankimues “Infosoft Office” SHPK, lidhur me procedurën e mësipërme të prokurimit, ku rezulton se e ka refuzuar atë.

II.5.4. Me shkresën nr. 1637/60 prot., datë 19.12.2022, protokolluar me tonën me nr. 2710/5 prot., datë 20.12.2022 me objekt “*Informacion mbi procedurën e prokurimit me objekt: Loti i II-të: “Blerje Letër A5 “Traktor” (3 kopje), Letër A4 “Traktor” (3 kopje)*” është depozituar nga autoriteti kontraktor në Komisionin e Prokurimit Publik informacion, lidhur me procedurën e mësipërme të prokurimit.

II.5.5. Me anë të shkresës datë 30.12.2023, me objekt “*Argumenta shtesë lidhur me përgjigjen e KSHA...*”, protokolluar pranë KPP-së me nr.2710/6 prot., datë 30.12.2022, operatori ekonomik “Infosoft Office” SHPK ka paraqitur argumenta shtesë, në lidhje me ankesën e tij.

II.6. Me anë të shkresës nr.2694/7 prot., datë 09.01.2023, Komisioni i Prokurimit Publik i ka kërkuar autoritetit kontraktor dorëzimin e mostrave të operatorëve ekonomikë konkretisht si më poshtë: “*...Sa më sipër, referuar pretendimeve të operatorit ekonomik ankimues, krahas informacionit të mësipërm, KPP kërkon nga autoriteti juaj të dorëzoni pranë institucionit tonë mostrat e paraqitura për këtë procedurë prokurimi, nga operatorët ekonomikë “Inpress” SHPK, “Marketing & Distribution” SHPK, “Dynamix Group” SHPK dhe*

“Infosoft Office” SHPK, së bashku me dokumentacionin shoqërues të tyre, si dhe procesverbalin e mbajtur nga autoriteti kontraktor për administrimin e tyre.”

II.7. Me anë të shkresës Nr.1637/70 prot., datë 11.01.2023, protokolluar me tonë me nr. 2694/8 prot., datë 11.01.2023, autoriteti kontraktor ka dorëzuar pranë Komisionit të Prokurimit Publik mostrat e operatorëve ekonomikë si dhe dokumentacionin shoqërues të tyre.

II.8. Për shkak të specifikës së kësaj procedure prokurimi, KPP konstaton, se për sqarimin e fakteve dhe pretendimeve të operatorëve ekonomikë ankimues, të papranuara nga autoriteti kontraktor konkretisht në lidhje me specifikimet teknike të mostrës, kërkohen njohuri të posaçme teknike nga laborator të specializuar për kryerjen e testimit të “Letër A5 "Traktor" (3 kopje), Letër A4 “Traktor" (3 kopje)”. Ndaj KPP për një gjykim të drejtë dhe transparent të ankesës, vlerëson të kryhet veprimi procedural të testimit të mostrave të dorëzuara nga operatorët ekonomikë “Inpress” ShPK, “Marketing Distribution” SHPK dhe “Infosoft Office” SHPK në përputhje me specifikimet teknike, referuar pretendimeve të ngritura nga operatori ekonomik ankimues, me qëllim asistimin e Komisionit të Prokurimit Publik, për gjykimin sa më të drejtë të ankesës.

II.9. Në përgjigje të shkresës së Komisionit të Prokurimit Publik me nr. 641/11 prot., datë 04.05.2022, me objekt: “Kërkesë për informacion”, Drejtoria e Përgjithshme e Akreditimit me shkresën nr. 185/1 prot., datë 09.05.2022 informon se: “[...] laborator i vetëm i akredituar prej saj për testimin e letrës dhe kartonit është Eko-Studio Projekt SHPK me adresë: Bulevardi “Gjergj Fishta”, Nr.48, Tiranë”. Gjithashtu, nga korrespondeca me email me Drejtorinë e Përgjithshme të Akreditimit, në datë 27.12.2022, kjo e fundit deklaron se “Në përgjigje të e-mail “Kërkesë për informacion” të dërguar nga Komisioni i Prokurimit Publik në datë 22.12.2022 ju bëjmë me dije se deri më tani Laboratori i akredituar për kryerjen e testeve të letër/karton është laborator EKO-Studio Projekt shpk me certifikate akreditimi nr.LT 070.”

II.10. Me shkresën nr. 2710/7 prot., datë 17.01.2023 Komisioni i Prokurimit Publik i kërkoi informacion shoqërisë “Eko-Studio Projekt” SHPK, si më poshtë vijon:
“[...]Gjithashtu në ankesa ngrihen pretendime lidhur me përmbushjen e kërkesave të autoritetit kontraktor për sa i përket specifikimeve teknike për “Letër A5 "Traktor" (3 kopje), Letër A4 “Traktor" (3 kopje)” dhe për këtë kërkohet testimi i mostrave të dorëzuara, sipas parametrave të kërkuar në DST, si më poshtë.

1. Letër A5 "Traktor" në 3 kopje

-format A5, me përmasat e jashtme 234±5mm x 152±5mm, letër vetkopjuese.

Faqja e pare - kopje prapa- CB – Coated Back

Pesha : 58 + - 4% g/m²

Faqja e dyte – kopje para dhe prapa- CFB coated front and back

Pesha: 58 + - 4% g/m²

Faqja trete- kopja para CF coated front

Pesha: 60 + - 4% g/m²

2. Leter A4 "Traktor" ne 3 kopje

- -format A4 me përmasat e jashtme: 234±5mm x 304± 5mm, letër vetkopjuese,

Faqja e pare - kopje prapa- CB – Coated Back

Pesha: 58 + - 4% g/m²

Faqja e dyte – kopje para dhe prapa- CFB coated front and back

Pesha: 58 + - 4% g/m²

Faqja trete- kopja para CF coated front

Pesha: 60 + - 4% g/m²

[...]

Sqarojmë se, në përgjigje të shkresës së Komisionit të Prokurimit Publik me nr. 641/11 prot., datë 04.05.2022, me objekt: "Kërkesë për informacion", Drejtoria e Përgjithshme e Akreditimit me shkresën nr. 185/1 prot., datë 09.05.2022 informon se: "[...] laboratori i vetëm i akredituar prej saj për testimin e letrës dhe kartonit është Eko-Studio Projekt SHPK me adresë: Bulevardi "Gjergj Fishta", Nr.48, Tiranë". Gjithashtu, nga korrespondeca me email me Drejtorinë e Përgjithshme të Akreditimit, në datë 27.12.2022, kjo e fundit deklaroi se "Në përgjigje të e-mail "Kërkesë për informacion" të dërguar nga Komisioni i Prokurimit Publik në datë 22.12.2022 ju bëjmë me dije se deri më tani Laboratori i akredituar për kryerjen e testeve të letër/karton është laboratori EKO-Studio Projekt shpk me certifikate akreditimi nr.LT 070."

Sa më sipër, në zbatim të ligjit nr. 162/2020 "Për Prokurimin Publik", si dhe të ligjit nr. 44/2015 "Kodi i Procedurave Administrative i Republikës së Shqipërisë", kërkojmë informacion nëse kompania juaj është e profilizuar ose jo për të kryer vlerësimin teknik të parametrave të kërkuar më sipër, me qëllim verifikimin e përputhshmërisë së tyre me specifikimet teknike të përcaktuara nga autoriteti kontraktor në dokumentet standarde të tenderit. Gjithashtu kërkojmë nga ana juaj të na informoni mbi koston apo tarifën, të cilat do të mbulohen nga ankimuesit."

II.11. Në datën 25.01.2023 është protokolluar në Komisionin e Prokurimit Publik me nr. 2710/8 prot., shkresa e shoqërisë "Eko-Studio Projekt" SHPK me nr. 47 prot., datë 23.01.2023 me objekt: "Kthim përgjigje shkresës me nr. 2710/7 prot., datë 17.01.2023". Me anë të kësaj shkrese KPP bëhet me dije se:

"[...] Eko Studio Projekt SHPK ka në përbërje Laborator të Akredituar dhe të kompletuar me instrumenta të standardeve bashkëkohore dhe efikase dhe kryen testim permanent dhe me kampione të komponentëve ndër të tjerë dhe të [...] letrës dhe kartonit."

Për kryerjen e matjeve laboratorike Eko – Studio –Projekt është e pajisur me Certifikatë Akreditimi me numër Regjistrimi LT 070, konformë standartit S SH ISO/IEC 17025:2017, të lëshuar nga Drejtoria e Përgjithshme e Akreditimit, në përputhje me ligjin Nr. 116/2014 “Për Akreditimin e Organeve të Vlerësimit të Konformitetit në Republikën e Shqipërisë”.

Në vijim tabela me standardet e provës dhe të mostrimit dhe sqarimin se:

<i>Letër – Karton – Brum Letre</i>				
<i>Nr.</i>	<i>Emertimi Proves</i>	<i>Fusha Provës</i>	<i>Standarti Proves</i>	<i>Standarti Mostrimit</i>
1.	<i>Densiteti</i>	<i>70 µm – 180 µm</i>	<i>SSH EN ISO 534:2011</i>	<i>SSH EN ISO 186:2002</i>
2.	<i>Gramatuara</i>	<i>0g-120g 0g-2000g</i>	<i>SSH ISO 536:2020</i>	<i>SSH EN ISO 186:2002</i>
3.	<i>Trashësia</i>	<i>70 µm – 180 µm</i>	<i>SSH EN ISO 534:2011</i>	<i>SSH EN ISO 186:2002</i>
4.	<i>Volum Specifik</i>	<i>70 µm – 180 µm</i>	<i>SSH EN ISO 534:2011</i>	<i>SSH EN ISO 186:2002</i>

“Kryejmë edhe testim dhe matje të komponentëve të letrës dhe kartonit sipas standardeve të përcaktuara në vijim:

<i>Letër – Karton – Brum Letre</i>				
<i>Nr.</i>	<i>Emertimi Proves</i>	<i>Fusha Provës</i>	<i>Standarti Proves</i>	<i>Standarti Mostrimit</i>
1.	<i>Ashpërsia/Lëmueshmëria</i>	<i>5ml/min-3000 ml/min</i>	<i>ISO 8791-2:2013</i>	<i>ISO 186:2002</i>
2.	<i>Ashpërsia/Lëmueshmëria</i>	<i>5ml/min-5000 ml/min</i>	<i>ISO 8791-2:2013</i>	<i>ISO 186:2002</i>
3.	<i>Bardhësia</i>	<i>L:0-100</i>	<i>ISO 11475:2017 ISO 2470-1:2016</i>	<i>ISO 186:2002</i>
4.	<i>Faktori i shperndarjes se ndricimit</i>	<i>L:0-100</i>	<i>ISO 2469:2007</i>	<i>ISO 186:2002</i>
5.	<i>Tejdukshmeria</i>	<i>CIE illuminant C</i>	<i>SSH ISO 2471-1:2008</i>	<i>ISO 186:2002</i>
6.	<i>Mbetje hirit</i>	<i>0.2% - 100 %</i>	<i>SSH ISO 2144:2019</i>	<i>ISO 186:2002</i>
7.	<i>pH</i>	<i>4-10</i>	<i>SSH ISO 6588-1:2021</i>	<i>ISO 186:2002</i>
8.	<i>Alkalinitetit</i>	<i>0.07-2 mol/kg CaCO3</i>	<i>SSH ISO 10716:2022</i>	<i>ISO 186:2002</i>

[...]

“Për kryerjen e testimeve dhe fiksimit të rezultateve duhet të dërgohen në ambientet e laboratorit kampione përfaqësues në mjediset e laboratorit.

Nr.	Shërbim	Njësia	Sasia	Cmimi në lek pa TVSH
1.	Analiza gramaturës	Copë/një testim	1	6600

II.12. Gjithashtu, në datën 06.02.2023 është protokolluar në Komisionin e Prokurimit Publik me nr. 2710/9 prot., shkresa e shoqërisë “Eko-Studio Projekt” SHPK me nr. 47/2 prot., datë 23.01.2023 me objekt: “Kthim përgjigje shkresës me nr. 2710/7 prot., datë 17.01.2023”. Me anë të kësaj shkrese KPP bëhet me dije se:

“[...] Eko Studio Projekt SHPK ka në përbërje Laborator të Akredituar dhe të kompletuar me instrumenta të standardeve bashkëkohore dhe efikase dhe kryen testim permanent dhe me kampione të komponentëve ndër të tjerë dhe të [...] letrës dhe kartonit.”

Për kryerjen e matjeve laboratorike Eko – Studio –Projekt është e pajisur me Certifikatë Akreditimi me numër Regjistrimi LT 070, konformë standartit S SH ISO/IEC 17025:2017, të lëshuar nga Drejtoria e Përgjithshme e Akreditimit, në përputhje me ligjin Nr. 116/2014 “Për Akreditimin e Organeve të Vlerësimit të Konformitetit në Republikën e Shqipërisë”.

Në vijim tabela me standardet e provës dhe të mostrimit dhe sqarimin se:

<i>Letër – Karton – Brum Letre</i>				
Nr.	Emertimi Proves	Fusha Provës	Standarti Proves	Standarti Mostrimit
1.	Densiteti	70 µm – 180 µm	SSH EN ISO 534:2011	SSH EN ISO 186:2002
2.	Gramatuara	0g-120g 0g-2000g	SSH ISO 536:2020	SSH EN ISO 186:2002
3.	Trashësia	70 µm – 180 µm	SSH EN ISO 534:2011	SSH EN ISO 186:2002
4.	Volum Specifik	70 µm – 180 µm	SSH EN ISO 534:2011	SSH EN ISO 186:2002

“Kryejmë edhe testim dhe matje të komponentëve të letrës dhe kartonit sipas standardeve të përcaktuara në vijim:

<i>Letër – Karton – Brum Letre</i>				
Nr.	Emertimi Proves	Fusha Provës	Standarti Proves	Standarti Mostrimit
1.	Ashpërsia/Lëmueshmëria	5ml/min-3000 ml/min	ISO 8791-2:2013	ISO 186:2002
2.	Ashpërsia/Lëmueshmëria	5ml/min-5000 ml/min	ISO 8791-2:2013	ISO 186:2002
3.	Bardhësia	L:0-100	ISO 11475:2017 ISO 2470-1:2016	ISO 186:2002
4.	Faktori i shperndarjes se ndricimit	L:0-100	ISO 2469:2007	ISO 186:2002

5.	<i>Tejdukshmeria</i>	<i>CIE illuminant C</i>	<i>SSH ISO 2471-1:2008</i>	<i>ISO 186:2002</i>
6.	<i>Mbetje hirit</i>	<i>0.2% - 100 %</i>	<i>SSH ISO 2144:2019</i>	<i>ISO 186:2002</i>
7.	<i>pH</i>	<i>4-10</i>	<i>SSH ISO 6588-1:2021</i>	<i>ISO 186:2002</i>
8.	<i>Alkalinitetit</i>	<i>0.07-2 mol/kg CaCO3</i>	<i>SSH ISO 10716:2022</i>	<i>ISO 186:2002</i>

“Për kryerjen e testimeve dhe fiksimit e rezultateve duhet të dërgohen në ambientet e laboratorit kampione përfaqësues në mjedisete laboratorit.

Oferta ekonomike është si vijon:

<i>Nr.</i>	<i>Shërbim</i>	<i>Njësia</i>	<i>Sasia</i>	<i>Cmimi në lek pa TVSH</i>
<i>1.</i>	<i>Analiza gramaturës</i>	<i>Copë/një testim</i>	<i>1</i>	<i>6600</i>
<i>2.</i>	<i>Trashësia</i>	<i>Copë/një testim</i>	<i>1</i>	<i>5720</i>

[...]

v.o Në cmimet e mësipërme është përfshirë përgatitja e kampionit sipas standardeve të mostrimit si dhe kryerja e testimit dhe nxjerrja e rezultatit.”

II.13. Për testimin e mostrave të dorëzuara nga operatorët ekonomikë “Inpress” SHPK, “Marketing & Distribution” SHPK dhe “Infosoft Office” SHPK, në përgjigje të ankesës së operatorit ekonomi “Adel CO” SHPK, Komisioni i Prokurimit Publik, me vendimin nr.88/2023, datë 07.02.2023, vendosi:

- 1. Të urdhëroj kryerjen e ekspertizës për analizimin e mostrave të paraqitura nga operatorët ekonomikë “Inpress” SHPK, “Marketing Distribution” SHPK dhe “Infosoft Office” SHPK sipas metodës/standartit të kërkuar nga autoriteti kontraktor në dokumentat standarte të tenderit nga laboratorit i akredituar i shoqërisë “Eko-Studio Projekt” SHPK, nëse mostrat e paraqitura janë në përputhje me specifikimet teknike të kërkuara nga autoriteti kontraktor për procedurën e prokurimit “Procedurë e hapur, mbi kufirin e lartë monetar”, me Nr. REF-35897-07-08-2022, me objekt: Loti II “Blerje Letër A5 "Traktor" (3 kopje), Letër A4 "Traktor" (3 kopje)” me fond limit 33.972.532 lekë pa TVSH, zhvilluar me datë 07.11.2022 nga autoriteti kontraktor, Posta Shqiptare SHA*
- 2. Operatori ekonomik “Adel Co” SHPK, të parapaguajë për llogari të shoqërisë “Eko-Studio Projekt” SHPK, shumën prej 153.000 lekë pa tvsh si tarifë e përcaktuar me anë të shkresës nr. 27 prot., datë 13.01.2022 për testimin e mostrave dhe të vërë në dijeni Komisionin e Prokurimit Publik, së bashku me kopje të faturës financiare të parapagimit, brënda datës 10.02.2023 ora 09:30.*
- 3. Në datën 10.02.2023 ora 09:30, të paraqiten pranë Komisionit të Prokurimit Publik përfaqësues të autoritetit kontraktor Posta Shqiptare SHA dhe përfaqësues të operatorëve ekonomikë “Adel Co” SHPK, “Inpress” SHPK, “Marketing Distribution” SHPK” dhe “Infosoft Office” SHPK me autorizim të posaçëm, të cilët*

në prani të Komisionit të Prokurimit Publik do të dorëzojnë mostrat për testim në laboratorin e akredituar pranë shoqërisë “Eko-Studio Projekt” SHPK.

4. Të njoftojë laboratorin e shoqërisë “Eko-Studio Projekt” SHPK për kryerjen e testimit të mostrave në datën dhe orën e përcaktuar.

5. Afati për kthimin e përgjigjes së testimit brenda datës 14.02.2023.

Ky vendim hyn në fuqi menjëherë.

II.14. Në datën 10.02.2023, në ambientet e Komisionit të Prokurimit Publik u mbaj një seancë dëgjimore me përfaqësues të shoqërisë “Adel CO” SHPK, “Inpress” SHPK, “Marketing & Distribution” SHPK, “Infosoft Office” SHPK dhe përfaqësuesve të autoritetit kontraktor. Në prani të të gjitha palëve të sipërcituara, u përzgjedhën mostrat që do t'i nënshtroheshin testimit, në Laboratorin e shoqërisë “Eko-Studio Projekt” SHPK. Seanca u regjistrua në formë audio.

II.15. Me anë të shkresës nr.92 prot., datë 14.02.2023, protokolluar me tonën me nr.2694/11 datë 16.02.2023, Laboratori “Eko – Studio – Projekt” SHPK ka dorëzuar pranë Komisionit të Prokurimit Publik “Raport Testimi” të mostrave, për shoqëritë “Inpress” SHPK, “Marketing & Distribution” SHPK dhe “Infosoft Office” SHPK. Konkretisht, ndër të tjera në raportin e mësipërm rezultatet janë si më poshtë:

Për shoqërinë “Infosoft Office” SHPK:

Letër traktori A4 – SPS-PS-92/2

Nr.	Komponente te matur	Metoda	Të dhënat e matjes			Njësia
			Faqja I	Faqja II	Faqja III	
1	Gramatura A4	ISO 536:2019	55.881	57.915	57.745	g/m ²
2	Trashësia A4	ISO 534:2005	77	83	78	µm

Letër traktori A5 – SPS-PS-92/1

Nr.	Komponente te matur	Metoda	Të dhënat e matjes			Njësia
			Faqja I	Faqja II	Faqja III	
1	Gramatura A5	ISO 536:2019	57.432	58.451	61.029	g/m ²
2	Trashësia A5	ISO 534:2005	76	80	76	µm

Për shoqërinë “Marketing & Distribution” SHPK:

Letër traktori A4 – SPS-PS-92/6

Nr.	Komponente te matur	Metoda	Të dhënat e matjes			Njësia
			Faqja I	Faqja II	Faqja III	
1	Gramatura A4	ISO 536:2019	51.039	51.126	52.607	g/m ²
2	Trashësia A4	ISO 534:2005	76	77	69	µm

Letër traktori A5 – SPS-PS-92/5

Nr.	Komponente te matur	Metoda	Të dhënat e matjes			Njësia
			Faqja I	Faqja II	Faqja III	
1	Gramatura A5	ISO 536:2019	52.274	49.687	52.940	g/m ²
2	Trashësia A5	ISO 534:2005	85	78	80	µm

Për shoqërinë “Inpress” SHPK:

Letër traktori A4 – SPS-PS-92/3

Nr.	Komponente te matur	Metoda	Të dhënat e matjes			Njësia
			Faqja I	Faqja II	Faqja III	
1	Gramatura A4	ISO 536:2019	57.117	56.694	60.512	g/m ²
2	Trashësia A4	ISO 534:2005	82	83	78	μm

Letër traktori A5 – SPS-PS-92/4

Nr.	Komponente te matur	Metoda	Të dhënat e matjes			Njësia
			Faqja I	Faqja II	Faqja III	
1	Gramatura A5	ISO 536:2019	59.457	59.941	60.485	g/m ²
2	Trashësia A5	ISO 534:2005	83	82	79	μm

II.16. Në datën 07.12.2022, nëpërmjet Sistemit Elektronik të Ankesave, operatori ekonomik i interesuar “Inpress” SHPK, ka paraqitur “Formularin e Paraqitjes së Argumenteve”, në të cilin parashtron pretendime mbi ankesën e operatorit ekonomik “Adel Co” SHPK.

II.17. Në datën 12.12.2022, nëpërmjet Sistemit Elektronik të Ankesave, operatori ekonomik i interesuar “Infosoft Office” SHPK, ka paraqitur “Formularin e Paraqitjes së Argumenteve”, në të cilin parashtron pretendime mbi ankesën e operatorit ekonomik “Adel Co” SHPK.

II.18. Në datën 07.12.2022, nëpërmjet Sistemit Elektronik të Ankesave, operatori ekonomik i interesuar “Inpress” SHPK, ka paraqitur “Formularin e Paraqitjes së Argumenteve”, në të cilin parashtron pretendime mbi ankesën e operatorit ekonomik “Infosoft Office” SHPK.

III

Komisioni i Prokurimit Publik

pas shqyrtimit të ankesave, dokumentacionit bashkëngjitur tyre,

Arsyeton

III.1. Lidhur me pretendimin e operatorit ekonomik “Adel CO” SHPK për skualifikimin e operatorit ekonomik “Marketing & Distribution” SHPK se “..në ditën dhe orën e hapjes së tenderit nga kjo firmë janë paraqitur kampionet, ku dukej me sy të lirë që kampionet nuk ishin në gramaturën e kërkuar, ku të treja kopjet ishin 52 dhe 53 gr, ku në specifikimet teknike letra e kërkuar duhet të jetë 58 g dhe 60 g. Kjo firmë nuk i ka dorëzuar modelet në gramaturën e kërkuar dhe për këtë arsye ne kërkojmë bërjen e analizave nga një laborator i licensuar për këtë punë”, Komisioni i Prokurimit Publik vëren se:

III.1.1. Në dokumentat e tenderit “Kriteret e Veçanta të Kualifikimit”, pika 2.3.6 “Kapaciteti teknik”, është parashikuar:

2.3.6 Operatori Ekonomik në datën dhe orën e hapjes së ofertave duhet të paraqesë dorazi mostra/modele për produktet e përcaktuara në sasinë dhe grafikun e lëvrimit dhe sipas specifikimeve teknike të kërkuara nga Autoriteti Kontraktor (**një fije Letër A5 "Traktor" (3 kopje)** dhe **një fije Letër A4 "Traktor" (3 kopje)**).

Mosparaqitja e mostrave të kërkuara si dhe mospërputhja e tyre më specifikimet teknike është kusht për skualifikim."

III.1.2. Në shtojcën e publikuar nga autoriteti kontraktor për modifikimin e dokumenteve, Shtojca 5, "Specifikimet teknike", është modifikuar si vijon:

Ishin:

I. Letër A5 "Traktor" në 3 kopje

- -format A5, letër vetkopjuese.
- -letër traktor me 3(tre) kopje, të treja të bardha.
- -me birosje në të dy anët dhe në fund të formatit për lehtësi shkëputje të jetë e perforuar.
- -paketimi në kuti me 1400 fije treshe.

II. Leter A4 "Traktor" ne 3 kopje

- -format A4, letër vetkopjuese.
- -letër traktor me 3(tre) kopje, të treja të bardha.
- -me birosje në të dy anët dhe në fund të formatit për lehtësi shkëputje të jetë e perforuar.
- -paketimi në kuti me 1400 fije treshe.

Bëhen

1. Letër A5 "Traktor" në 3 kopje

- -format A5, **me përmasat e jashtme 234±5mm x 304/152±5mm**, letër vetkopjuese,
- -letër traktor me 3(tre) kopje, të treja të bardha.
- -me birosje në të dy anët dhe në fund të formatit për lehtësi shkëputje të jetë e perforuar.
- -paketimi në kuti me 1400 fije treshe.

Faqja e pare - kopje prapa- CB – Coated Back

Pesha : 58 + - 4% g/m²

Trashesia: 80+ - 6 μm

Ashpersia ne perkulje: MD > 11 mN

Ashpersia ne perkulje: CD > 3 mN

Lemueshmeria > 15 Bekk S

Lageshtira relative 50+ - 8 %

Patejdukshmeria > 79 %

Ndricimi 102 + - 3 %

Faqja e dyte – kopje para dhe prapa- CFB coated front and back

<i>Pesha:</i>	58 + - 4% g/m ²
<i>Trashesia</i>	78+ - 5 μm
<i>Ashpersia ne perkulje:</i>	MD > 11 mN
<i>Ashpersia ne perkulje:</i>	CD > 3 mN
<i>Lemueshmeria</i>	> 30 Bekk S
<i>Lageshtira relative</i>	50+ - 8 %
<i>Ndricimi</i>	94+ - 3 %

Faqja trete- kopja para CF coated front

<i>Pesha:</i>	60 + - 4% g/m ²
<i>Trashesia:</i>	73+ - 6 μm
<i>Ashpersia ne perkulje:</i>	MD > 12 mN
<i>Ashpersia ne perkulje:</i>	CD > 4 mN
<i>Lemueshmeria</i>	> 30 Bekk S
<i>Lageshtira relative</i>	50+ - 8 %
<i>Ndricimi</i>	94+ - 3 %

2. Leter A4 "Traktor" ne 3 kopje

- -format A4 me përmasat e jashtme: 234±5mm x 304± 5mm, letër vetkopjuese,
- -letër traktor me 3(tre) kopje, të treja të bardha.
- -me biosjje në të dy anët dhe në fund të formatit për lehtësi shkëputje të jetë e perforuar.
- -paketimi në kuti me 1400 fije treshe.

Faqja e pare - kopje prapa- CB – Coated Back

<i>Pesha:</i>	58 + - 4% g/m ²
<i>Trashesia:</i>	80+ - 6 μm
<i>Ashpersia ne perkulje:</i>	MD > 11 mN
<i>Ashpersia ne perkulje:</i>	CD > 3 mN
<i>Lemueshmeria</i>	> 15 Bekk S
<i>Lageshtira relative</i>	50+ - 8 %
<i>Patejdukshmeria</i>	> 79 %
<i>Ndricimi</i>	102 + - 3 %

Faqja e dyte – kopje para dhe prapa- CFB coated front and back

<i>Pesha:</i>	58 + - 4% g/m ²
<i>Trashesia:</i>	78+ - 5 μm
<i>Ashpersia ne perkulje:</i>	MD > 11 mN
<i>Ashpersia ne perkulje:</i>	CD > 3 mN
<i>Lemueshmeria</i>	> 30 Bekk S
<i>Lageshtira relative</i>	50+ - 8 %
<i>Ndricimi</i>	94+ - 3 %

Faqja trete- kopja para CF coated front

<i>Pesha:</i>	60 + - 4% g/m ²
<i>Trashesia:</i>	73+ - 6 μm
<i>Ashpersia ne perkulje:</i>	MD > 12 mN
<i>Ashpersia ne perkulje:</i>	CD > 4 mN

<i>Lemueshmeria</i>	> 30	<i>Bekk S</i>
<i>Lageshtira relative</i>	50+	- 8 %
<i>Ndricimi</i>	94+	- 3 %

III.1.3. Gjithashtu, autoriteti kontraktor ka publikuar, përsëri shtojcë për modifikimin e dokumentave të tenderit, si vijon:

Ishte:

1. Letër A5 "Traktor" në 3 kopje

-format A5, me përmasat e jashtme 234±5mm x 304/152±5mm, letër vetkopjuese,

Bëhet:

3. Letër A5 "Traktor" në 3 kopje

-format A5, me përmasat e jashtme 234±5mm x 152±5mm, letër vetkopjuese.

III.1.4. Në nenin 77 pika 1 dhe pika 4 "Kërkesat për kualifikim" i ligjit 162/2020 "Për Prokurimin Publik" parashikon shprehimisht se: Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:

- a) përshtatshmërinë për të kryer veprimtarinë profesionale;
- b) gjendjen ekonomike dhe financiare;
- c) aftësinë teknike dhe profesionale.

Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.

[...]

4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie.

Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvojë që vërtetohet nga referenca të përshtatshme nga kontratat e zbatuara në të shkuarën.

Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.

III.1.5. Në nenin 40 pika 6 germa a) "Kërkesa të veçanta për kontratat e mallrave" të Vendimit të Këshillit të Ministrave nr. 285, datë 19.05.2021 "Për miratimin e rregullave të prokurimit publik", e ndryshuar, parashikohet shprehimisht se:

6. Autoriteti/enti kontraktor mund t'u kërkojë operatorëve ekonomikë të dorëzojnë dëshmi, që tregojnë se ata i plotësojnë kërkesat minimale, të përcaktuara në dokumentet e tenderit, si:

- a) mostra të mallit, kur e gjykon se kjo ka rëndësi për vlerësimin e ofertës teknike. Në këtë rast, autoriteti/enti kontraktor duhet të argumentojë kërkesën për mostrat. Mostrat duhet të trajtohen si informacion konfidencial tregtar dhe duhet të jenë në kontroll të autoritetit/entit

kontraktor. Në rastin e procedurave të zhvilluara me mjete elektronike, autoriteti ose enti kontraktor përcakton qartë procedurën për dorëzimin e mostrave, duke garantuar aksesin e çdo operatori të interesuar si dhe konfidencialitetin për pjesëmarrjen në proces. Mostrat i kthehen ofertuesit, me kërkesën e tij, brenda 30 (tridhjetë) ditëve pas nënshkrimit të kontratës, me kusht që kontrata në fjalë të mos jetë objekt i shqyrtimit administrativ apo gjyqësor. Në rastin kur procedura e prokurimit anulohet, mostrat i kthehen ofertuesit, me kërkesën e tij, brenda 30 (tridhjetë) ditëve nga data e marrjes së vendimit përfundimtar të anulimit;

III.1.6. Kriteret për kualifikim vendosen që t'i shërbejnë autoritetit kontraktor për të krijuar një panoramë të përgjithshme të kapaciteteve dhe mundësisë së operatorit për përmbushje me sukses të kontratës. Në varësi të kontratës dhe volumit të saj autoriteti kontraktor përcakton kërkesat e veçanta për kualifikim, të cilat janë të detyrueshme për t'u përmbushur nga operatorët ekonomikë pjesëmarrës në procedurat e prokurimit. Operatorët ekonomikë janë të detyruar të përgatisin ofertat, në përputhje me kërkesat e përcaktuara në dokumentet e tenderit dhe ofertat që nuk përgatiten në përputhje me këto dokumente duhet të refuzohen si të papranueshme. Gjithashtu një ndër parimet kryesore të zhvillimit të procedurës së prokurimit është ai barazisë në trajtimin e kërkesave dhe të detyrimeve, që u ngarkohen ofertuesve ose kandidatëve, parashikuar nga neni 3 i ligjit nr. Nr. 162/2020 “Për prokurimin publik”. Zbatimi i parimit të transparencës, barazisë dhe mosdiskriminimit, janë garancitë kyçe ndaj ofertuesve që ofron kuadri ligjor në fuqi. Këto parime ndër të tjera nënkuptojnë se operatorët ekonomikë duhej të jenë në një pozicion barazie, si kur përgatisin ofertat e tyre, ashtu dhe kur të vlerësohen ato.

III.1.7. Referuar kriterëve të veçanta të kualifikimit, të modifikuara nga autoriteti kontraktor, në pikën 2.3.6 të Kapacitetit teknik, rezulton, se është kërkuar shprehimisht që operatorët ekonomikë pjesëmarrës, në datën dhe orën e hapjes së ofertave duhet të paraqesë dorazi mostra/modele për produktet e përcaktuara në sasinë dhe grafikun e lëvrimit dhe sipas specifikimeve teknike të kërkuara nga Autoriteti Kontraktor (një fije Letër A5 "Traktor" (3 kopje) dhe një fije Letër A4 "Traktor" (3 kopje)). Mosparaqitja e mostrave të kërkuara si dhe mospërputhja e tyre me specifikimet teknike është kusht për skualifikim.

III.1.8. Nisur nga pretendimet e operatorit ekonomik akimues, referuar dokumentacionit të paraqitur nga autoriteti kontraktor, konkretisht nga shqyrtimi i mostrave të dorëzuar nga operatori ekonomik “Marketing & Distribution” SHPK, KPP konstatoi se ky i fundit ka paraqitur pranë autoritetit kontraktor mostra për artikujt letër traktor A4 dhe letër traktor A5, ku secila nga fijet e letrës përbëhet nga tre kopje, faqja e parë, e dytë dhe e tretë.

Sa më sipër, referuar pretendimeve e operatorit ekonomik ankimues për testimin e këtyre mostrave, dokumentacionit të autoritetit kontraktor, me qëllim shqyrtimin e drejtë të pretendimeve të ankimuesit, në mbështetje të pikës 5 të nenit 115 të LPP, KPP gjykoi të domosdoshme kryerjen e testimit të mostrave të paraqitura nga operatori ekonomik “Marketing & Distribution” SHPK, me qëllim verifikimin e përmbushjes së specifikimeve teknike të këtyre mostrave.

Në përgjigje të shkresës së Komisionit të Prokurimit Publik me nr. 641/11 prot., datë 04.05.2022, me objekt: “Kërkesë për informacion”, Drejtorja e Përgjithshme e Akreditimit me shkresën nr. 185/1 prot., datë 09.05.2022 informon se: “[...] laborator i vetëm i akredituar prej saj për testimin e letrës dhe kartonit është Eko-Studio Projekt SHPK me adresë: Bulevardi “Gjergj Fishta”, Nr.48, Tiranë”. Gjithashtu, nga korrespondeca me email

me Drejtorinë e Përgjithshme të Akreditimit, në datë 27.12.2022, kjo e fundit deklaroi se “Në përgjigje të e-mail “Kërkesë për informacion” të dërguar nga Komisioni i Prokurimit Publik në datë 22.12.2022 ju bëjmë me dije se deri më tani Laboratori i akredituar për kryerjen e testeve të letër/karton është laborator EKO-Studio Projekt shpk me certifikate akreditimi nr.LT 070.”

Në mbështetje të shkresës së mësipërme, Komisioni i Prokurimit Publik i kërkoi informacion shoqërisë “Eko-Studio Projekt” SHPK, nëse kjo e fundit ishte e profilizuar ose jo për të kryer vlerësimin teknik të parametrave të kërkuar më sipër për produktet Letër traktor A4 dhe Letër traktor A5 me qëllim verifikimin e përputhshmërisë së tyre me specifikimet teknike të përcaktuara nga autoriteti kontraktor në dokumentet standarde të tenderit.

Me anë të shkresës nr. 47 prot., datë 23.01.2023, protokolluar pranë KPP me nr. 2710/8 prot., si dhe shkresës nr. 47/2 prot., datë 23.01.2023, protokolluar pranë KPP-së me nr. 2710/9 prot., datë 06.02.2023, shoqëria “Eko-Studio Projekt” SHPK bën me dije analizat për të cilat është i akredituar për të kryer, si dhe tarifat për kryerjen e tyre.

Në datën 07.02.2023, Komisioni i Prokurimit Publik mori vendimin nr. 88/2023, për testimin e mostrave të dorëzuara nga operatorët ekonomikë “Marketing & Distribution” SHPK, “Inpress” SHPK dhe “Infosoft Office” SHPK, konkretisht të mostrave të dorëzuar nga këto të fundit për artikujt Letër traktor A4 dhe Letër traktor A5.

Në datën 10.02.2023, në ambientet e Komisionit të Prokurimit Publik u mbajt një seancë dëgjimore, e cila u regjistruar në audio, me përfaqësues të shoqërisë “Adel Co” SHPK, “Marketing & Distributin” SHPK, “Inpress” SHPK, “Infosoft Office” SHPK, përfaqësues të autoritetit kontraktor dhe KPP-së. Në prani të palëve të sipërcituara, u përzgjodhën mostrat që do ti nënshtroheshin testimit.

Me anë të shkresës nr.92 prot., datë 14.02.2023, protokolluar me tonën me nr.2694/11 datë 16.02.2023, Laboratori “Eko – Studio – Projekt” SHPK ka dorëzuar pranë Komisionit të Prokurimit Publik “Raport Testimi” të mostrave, për shoqëritë “Marketing & Distributin” SHPK, “Inpress” SHPK, “Infosoft Office” SHPK. Konkretisht, ndër të tjera në raportin e mësipërm rezultatet janë si më poshtë:

Për shoqërinë “Marketing & Distribution” SHPK: Gramatura për letër A4, Faqja e parë 51.039 g/m², Faqja e dytë 51.126 g/m² dhe Faqja e tretë 52.607g/m², ndërsa për letër A5 Faqja e parë 52.274 g/m², Faqja e dytë 49.687 g/m² dhe Faqja e tretë 52.940 g/m².

III.1.9. KPP referuar Raportit të Testimit të mostrave, të dorëzuar në datë 16.02.2023 nga Laboratori “Eko – Studio – Projekt” SHPK, si një laborator i akredituar nga Drejtoria e Përgjithshme e Akreditimit për testimin e mostrave të sipërpërmendura, konstatohet se, mostrat e paraqitura për testim nga operatori ekonomik “Marketing & Distribution” SHPK, nuk janë në përputhje me specifikimet teknike, pasi për Letër A4 Traktor në specifikimet teknike është kërkuar *Faqja e pare - kopje prapa- CB – Coated Back - Pesha: 58 + - 4% g/m²; Faqja e dyte – kopje para dhe prapa- CFB coated front and back - Pesha: 58 + - 4% g/m²; Faqja trete- kopja para CF coated front - Pesha: 60 + - 4% g/m²*, ndërsa për Letër A5 Traktor në specifikimet teknike është kërkuar *Faqja e pare - kopje prapa- CB – Coated Back – Pesha: 58 + - 4% g/m²; Faqja e dyte – kopje para dhe prapa- CFB coated front and back – Pesha: 58 + - 4% g/m²; Faqja trete- kopja para CF coated front - Pesha: 60 + - 4% g/m²*. Sa më sipër, duke krahasuar rezultatet e analizave të kryera nga laboratorit “Eko – Studio – Projekt” SHPK, në lidhje mostrën e paraqitur nga operatori ekonomik

“Marketing & Distribution” SHPK, për sa i përket peshës së Letër traktor A4 dhe A5 për të treja kopjet në veçanti ,e secilës nga fijet, me specifikimet teknike të kërkuara nga autoriteti kontraktor në dokumentat e tenderit, rezulton se mostrat e dorëzuara nga operatori ekonomik “Marketing & Distribution” SHPK nuk janë në përputhje me specifikimet teknike të kërkuara nga autoriteti kontraktor. Në këto kushte KPP gjykon, se mostra, referuar edhe legjislacionit në fuqi i shërben autoritetit kontraktor për të vlerësuar nëse një operator ekonomik ka kapacitete për të siguruar produktin e kërkuar nga autoriteti kontraktor në përputhje me specifikimet teknike të kërkuara në dokumentet e tenderit. Mosplotësimi qoftë edhe i një kriteri të përcaktuar në dokumentet e tenderit përbën shkak për skualifikim.

Sa më sipër, pretendimi i operatorit ekonomik ankimues “Adel CO” SHPK, për skualifikimin e operatorit ekonomik “Marketing & Distribution” SHPK, qëndron.

III.2. Lidhur me pretendimet e tjera të ngritura nga operatori ekonomik ankimues “Adel – CO” SHPK, mbi kualifikimin e padrejtë të operatorit ekonomik “Marketing & Distribution” SHPK, gjykojmë, se referuar arsytimit të mësipërm, gjendja faktike dhe juridike e operatorit ekonomik “Marketing & Distribution” SHPK, do të ndryshojë duke u skualifikuar nga procedura në fjalë, duke përmbushur kështu interesin e ankimuesit. Rrjedhimisht pretendimet e tjera të ngritura nga operatori ekonomik ankimues, nuk do të merren në shqyrtim, në respekt të parimit të ekonomisë në shqyrtimin administrativ.

III.3. Lidhur me pretendimet e operatorit ekonomik ankimues “Adel Co” SHPK, për shtimin e arsyeve të skualifikimit të operatorit ekonomik “Dynamicx Group” SHPK, Komisioni i Prokurimit Publik gjykon se, ky operator ekonomik rezulton i skualifikuar nga kjo procedurë prokurimi që me vendimin e KVO-së të datës 21.11.2022, dhe nuk ka paraqitur asnjë ankesë pranë autoritetit kontraktor dhe Komisionit të Prokurimit Publik. Për rrjedhojë, gjendja e tij faktike dhe juridike është e skualifikuar, pa asnjë ndikim në interesat e ankimuesit.

Sa më sipër, për sa kohë gjendja faktike dhe juridike e operatorit ekonomik “Dynamicx Group” SHPK është e skualifikuar, rrjedhimisht pretendimet e operatorit ekonomik ankimues për shtimin e arsyeve të skualifikimit, nuk do të merren në shqyrtim, në respekt të parimit të ekonomisë në shqyrtimin administrativ.

III.4. Lidhur me pretendimin e operatorit ekonomik “Adel CO” SHPK për skualifikimin e operatorit ekonomik “Inpress” SHPK me arsytimin se “*Firma Inpress nuk plotëson pikën 2.3.4 “Kapaciteti teknik” të Kriteve të Veçanta të Kualifikimit, pasi nuk ka paraqitur Skedën Teknike për të dyja llojet e letrës traktor A4 dhe A5 ashtu sikurse është kërkuar në kriter, gjithashtu skeda e paraqitur nuk është në përputhje me specifikimet teknike të përcaktuara nga autoriteti kontraktor, dhe për këtë arsye duhet të skualifikohet nga kjo procedurë*”, Komisioni i Prokurimit Publik vëren se:

III.4.1. Në shtojcën e publikuar nga autoriteti kontraktor për modifikimin e dokumentave të tenderit pika 2.3.4 e “*Kapacitetit teknik*”, është modifikuar si më poshtë:

Pika 2.3.4 Ishte:

2.3.4 Operatori ekonomik duhet të paraqesë autorizim prodhuesi ose distributori i autorizuar për letrat e përdorura për prodhimin e letrës traktor, si dhe duhet të dorëzojë skedat teknike

për letrat e përdorura gjatë prodhimit të letres traktor, të certifikuar dhe testuar nga prodhuesi, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, “Traktor” (3 kopje); Letër A4 “Traktor” ” (3 kopje)”.

Skeda teknike të paraqitet për të dyja llojet e letrës traktor në përputhje me specifikimet teknike përkatëse.

Pika 2.3.4 Bëhet:

2.3.4 Operatorët ekonomikë të cilët ofrojnë Letër A5, “Traktor” (3 kopje); Letër A4 “Traktor” (3 kopje) si produkt i gatshëm/final, duhet të paraqesin pranë Autoritetit Kontraktor autorizimin e prodhuesit ose distributorit të autorizuar së bashku me skedën teknike të produktit të ofertuar, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, “Traktor” (3 kopje); Letër A4 “Traktor” (3 kopje).

Skeda teknike të paraqitet për të dyja llojet e letrës traktor në përputhje me specifikimet teknike përkatëse.

Operatorët ekonomikë prodhues të produktit të gatshëm/final duhet të paraqesin pranë Autoritetit Kontraktor autorizimin e prodhuesit ose distributorit të autorizuar për lëndën e parë të përdorur për prodhimin e letrës traktor, si dhe duhet të paraqesin skedën teknike për letrën e përdorur gjatë prodhimit të letrës traktor, të certifikuar nga prodhuesi, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, “Traktor” (3 kopje); Letër A4 “Traktor” (3 kopje).

Skeda teknike të paraqitet për të dyja llojet e letrës traktor në përputhje me specifikimet teknike përkatëse.

Në çdo rast duhet vërtetuar lidhja e prodhuesit dhe/ose distributorit të autorizuar të letrës lënde e parë me prodhuesin e letrës traktor.

III.4.2. Në shtojcën e publikuar nga autoriteti kontraktor për modifikimin e dokumenteve, Shtojca 5, “Specifikimet teknike”, është modifikuar si vijon:

Ishin:

III. Letër A5 ”Traktor” në 3 kopje

- -format A5, letër vetkopjuese.
- -letër traktor me 3(tre) kopje, të treja të bardha.
- -me birosje në të dy anët dhe në fund të formatit për lehtësi shkëputje të jetë e perforuar.
- -paketimi në kuti me 1400 fije treshe.

IV. Leter A4 ”Traktor” ne 3 kopje

- -format A4, letër vetkopjuese.
- -letër traktor me 3(tre) kopje, të treja të bardha.
- -me birosje në të dy anët dhe në fund të formatit për lehtësi shkëputje të jetë e perforuar.
- -paketimi në kuti me 1400 fije treshe.

Bëhen

2. Letër A5 "Traktor" në 3 kopje

- -format A5, **me përmasat e jashtme 234±5mm x 304/152±5mm**, letër vetkopjuese,
- -letër traktor me 3(tre) kopje, të treja të bardha.
- -me birosje në të dy anët dhe në fund të formatit për lehtësi shkëputje të jetë e perforuar.
- -paketimi në kuti me 1400 fije treshe.

Faqja e pare - kopje prapa- CB – Coated Back

Pesha : 58 + - 4% g/m²

Trashesia: 80+ - 6 µm

Ashpersia ne perkulje: MD > 11 mN

Ashpersia ne perkulje: CD > 3 mN

Lemueshmeria > 15 Bekk S

Lageshtira relative 50+ - 8 %

Patejdukshmeria > 79 %

Ndricimi 102 + - 3 %

Faqja e dyte – kopje para dhe prapa- CFB coated front and back

Pesha: 58 + - 4% g/m²

Trashesia 78+ - 5 µm

Ashpersia ne perkulje: MD > 11 mN

Ashpersia ne perkulje: CD > 3 mN

Lemueshmeria > 30 Bekk S

Lageshtira relative 50+ - 8 %

Ndricimi 94+ - 3 %

Faqja trete- kopja para CF coated front

Pesha: 60 + - 4% g/m²

Trashesia: 73+ - 6 µm

Ashpersia ne perkulje: MD > 12 mN

Ashpersia ne perkulje: CD > 4 mN

Lemueshmeria > 30 Bekk S

Lageshtira relative 50+ - 8 %

Ndricimi 94+ - 3 %

3. Leter A4 "Traktor" ne 3 kopje

- -format A4 **me përmasat e jashtme: 234±5mm x 304± 5mm**, letër vetkopjuese,
- -letër traktor me 3(tre) kopje, të treja të bardha.
- -me birosje në të dy anët dhe në fund të formatit për lehtësi shkëputje të jetë e perforuar.
- -paketimi në kuti me 1400 fije treshe.

Faqja e pare - kopje prapa- CB – Coated Back

<i>Pesha:</i>	58 + - 4% g/m ²
<i>Trashesia:</i>	80+ - 6 μm
<i>Ashpersia ne perkulje:</i>	MD > 11 mN
<i>Ashpersia ne perkulje:</i>	CD > 3 mN
<i>Lemueshmeria</i>	> 15 Bekk S
<i>Lageshtira relative</i>	50+ - 8 %
<i>Patejdukshmeria</i>	> 79 %
<i>Ndricimi</i>	102 + - 3 %

Faqja e dyte – kopje para dhe prapa- CFB coated front and back

<i>Pesha:</i>	58 + - 4% g/m ²
<i>Trashesia:</i>	78+ - 5 μm
<i>Ashpersia ne perkulje:</i>	MD > 11 mN
<i>Ashpersia ne perkulje:</i>	CD > 3 mN
<i>Lemueshmeria</i>	> 30 Bekk S
<i>Lageshtira relative</i>	50+ - 8 %
<i>Ndricimi</i>	94+ - 3 %

Faqja trete- kopja para CF coated front

<i>Pesha:</i>	60 + - 4% g/m ²
<i>Trashesia:</i>	73+ - 6 μm
<i>Ashpersia ne perkulje:</i>	MD > 12 mN
<i>Ashpersia ne perkulje:</i>	CD > 4 mN
<i>Lemueshmeria</i>	> 30 Bekk S
<i>Lageshtira relative</i>	50+ - 8 %
<i>Ndricimi</i>	94+ - 3 %

III.4.3. Gjithashtu, autoriteti kontraktor ka publikuar, përsëri shtojcë për modifikimin e dokumentave të tenderit, si vijon:

Ishte:

4. Letër A5 "Traktor" në 3 kopje

-format A5, me përmasat e jashtme 234±5mm x 304/152±5mm, letër vetkopjuese,

Bëhet:

4. Letër A5 "Traktor" në 3 kopje

-format A5, me përmasat e jashtme 234±5mm x 152±5mm, letër vetkopjuese.

III.4.4. Nga shqyrtimi i dokumentacionit të operatorit ekonomik "Inpress" SHPK, rezulton se është paraqitur, në përmbushje të kriterit të sipërcituar:

- Dokument autorizimi/ Letër angazhimi, datë 03.11.2022, lëshuar nga "Office Paper" SHPK, me përmbajtje "...dhe në cilësinë e distributorit të autorizuar, për territorin e Republikës së Shqipërisë, nga shoqëria prodhuese e letrës vetkopjuese (rulon – CF, CFB, CB) – "Goodëill Group LTD (QINGDAO FOCUS PAPER CO.,LTD.)" – (bashkëlidhur autorizimi i prodhuesit)...
...marr përsipër dhe angazhohem të furnizoj rregullisht kundrejt kushteve të dakordsuara paraprakisht shoqërinë "Inpress" SHPK, me seli në adresën "ish Blloku

Magazinave të Tregtisë, Rruga “Siri Kodra”, Tiranë..., me të gjithë sasinë e lëndës së parë “letër kimike (rulon – CF, CFB, CB)”, që do të mund ti nevojitet eventualisht për zbatimin me sukses të kontratës për procedurën e prokurimit publik të lartpërmendur, për prodhimin e produkteve 1. “Letër A5 “Traktor” në 3 kopje; 2. “Letër A4 “Traktor” në 3 kopje”, sipas karakteristikave dhe specifikimeve teknike (skedën teknike) bashkëlidhur kësaj deklaratë/letër angazhimi.”, bashkëlidhur skede teknike nga Goodëill Group Limited (QINGDAO FOCUS PAPER CO.,LTD.).

- Dokumentin “Deklaratë zyrtare”, datë 08.09.2022 lëshuar nga Goodëill Group Limited (QINGDAO FOCUS PAPER CO.,LTD.) nëpërmjet kësaj shkrese konfirmojmë se, Office Paper SHPK...është klienti ynë ekskluziv, i drejtpërdrejtë si dhe distributori ynë i besuar – për lëndën e parë “”Letër kimike (mbështjelljet – CF, CFB, CB) e nevojshme për prodhimin e produktit “Letër vetëkopjuese (CB, CFB, CF)”, më Shqipëri.”, shoqëruar me Skedë teknike Letër Kopjuese pa Karbon për CB – E veshur mbrapa (kopja e parë); CFB – E veshur para dhe pas (kopja e dytë), CF – e veshur para (kopja e tretë). (në gjuhën anglisht dhe shqip),

III.4.5. Në neni 77, pika 1 dhe 4 “Kërkesat për kualifikim” të ligjit 162/2020 “Për Prokurimin Publik” parashikon shprehimisht se:

1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:

- a) përshtatshmërinë për të kryer veprimtarinë profesionale;
- b) gjendjen ekonomike dhe financiare;
- c) aftësinë teknike dhe profesionale.

Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.

[...]

4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie.

Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvojë që vërtetohet nga referenca të përshtatshme nga kontratat e zbatuara në të shkuarën.

Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.”.

III.4.6. Neni 40 pika 3 “Kërkesa të veçanta për kontratat e mallrave”, të VKM Nr.285 datë 19.05.2021 “Për miratimin e rregullave të prokurimit publik”, parashikohet shprehimisht se:

3. Kërkesat e veçanta të kualifikimit duhet të përfshijnë të gjitha kriteret specifike, në përputhje me nenin 77, të LPP-së. Kriteret duhet të jenë në përpjesëtim dhe të lidhura

ngushtë me aftësinë zbatuese, natyrën dhe vlerën e kontratës. Në çdo 38 rast, autoriteti/enti kontraktor duhet të përcaktojë dokumentet konkrete që duhet të paraqesin operatorët ekonomikë për përmbushjen e këtyre kriterëve.

III.4.7. Neni 40 pika 6 “Kërkesa të veçanta për kontratat e mallrave”, të VKM Nr.285 datë 19.05.2021 “Për miratimin e rregullave të prokurimit publik”, i ndryshuar parashikohet shprehimisht se:

6. Autoriteti/enti kontraktor mund t’u kërkojë operatorëve ekonomikë të dorëzojnë dëshmi, që tregojnë se ata i plotësojnë kërkesat minimale, të përcaktuara në dokumentet e tenderit, si:

a) mostra të mallit, kur e gjykon se kjo ka rëndësi për vlerësimin e ofertës teknike.

c) dëshmi për rezultatet e testeve zyrtare, të lëshuara nga institucione të autorizuar, që vërtetojnë pajtueshmërinë e produkteve me specifikimet teknike.

III.4.8. Kriteret për kualifikim vendosen që t’i shërbejnë autoritetit kontraktor për të krijuar një panoramë të përgjithshme të kapaciteteve dhe mundësisë së operatorit për përmbushje me sukses të kontratës. Në varësi të kontratës dhe volumit të saj autoriteti kontraktor përcakton kërkesat e veçanta për kualifikim, të cilat janë të detyrueshme për t’u përmbushur nga operatorët ekonomikë pjesëmarrës në procedurat e prokurimit. Operatorët ekonomikë janë të detyruar të përgatisin ofertat, në përputhje me kërkesat e përcaktuara në dokumentet e tenderit dhe ofertat që nuk përgatiten në përputhje me këto dokumente duhet të refuzohen si të papranueshme. Gjithashtu një ndër parimet kryesore të zhvillimit të procedurës së prokurimit është ai barazisë në trajtimin e kërkesave dhe të detyrimeve, që u ngarkohen ofertuesve ose kandidatëve, parashikuar nga neni 3 i ligjit nr. Nr. 162/2020 “Për prokurimin publik”. Zbatimi i parimit të transparencës, barazisë dhe mosdiskriminimit, janë garancitë kyçe ndaj ofertuesve që ofron kuadri ligjor në fuqi. Këto parime ndër të tjera nënkuptojnë se operatorët ekonomikë duhej të jenë në një pozicion barazie, si kur përgatisin ofertat e tyre, ashtu dhe kur të vlerësohen ato.

III.4.9. Nga shqyrtimi i dokumentave të tenderit, në interpretim të kriterit të mësipërm, vërejmë se autoriteti kontraktor ka ndarë dy momente në përmbushje të tij, konkretisht “Operatorët ekonomikë të cilët ofrojnë Letër A5, “Traktor” (3 kopje); Letër A4 “Traktor” (3 kopje) si produkt i gatshëm/final, duhet të paraqesin pranë Autoritetit Kontraktor autorizimin e prodhuesit ose distributorit të autorizuar së bashku me skedën teknike të produktit të ofertuar, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, “Traktor” (3 kopje); Letër A4 “Traktor” (3 kopje).

Skeda teknike të paraqitet për të dyja llojet e letrës traktor në përputhje me specifikimet teknike përkatëse.

Operatorët ekonomikë prodhues të produktit të gatshëm/final duhet të paraqesin pranë Autoritetit Kontraktor autorizimin e prodhuesit ose distributorit të autorizuar për lëndën e parë të përdorur për prodhimin e letrës traktor, si dhe duhet të paraqesin skedën teknike për letrën e përdorur gjatë prodhimit të letrës traktor, të certifikuar nga prodhuesi, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, “Traktor” (3 kopje); Letër A4 “Traktor” (3 kopje).

Skeda teknike të paraqitet për të dyja llojet e letrës traktor në përputhje me specifikimet teknike përkatëse.”

Në rastin konkret, nga verifikimi i dokumentacionit të dorëzuar në sistemin e prokurimit elektronik, nga operatori ekonomik ankimues “Inpress” SHPK, konstatohet se ky i fundit ka paraqitur Dokument autorizimi/ Letër angazhimi, datë 03.11.2022, lëshuar nga “Office Paper” SHPK, me përmbajtje “...dhe në cilësinë e distributorit të autorizuar, për territorin e Republikës së Shqipërisë, nga shoqëria prodhuese e letrës vetkopjuese (rulon – CF, CFB, CB) – “Goodëill Group LTD (QINGDAO FOCUS PAPER CO.,LTD.)” – (bashkëlidhur autorizimi i prodhuesit)..

...marr përsipër dhe angazhohem të furnizoj rregullisht kundrejt kushteve të dakordsuara paraprakisht shoqërinë “Inpress” SHPK, me seli në adresën “ish Blloku Magazinave të Tregtisë, Rruga “Siri Kodra”, Tiranë...., me të gjithë sasinë e lëndës së parë “letër kimike (rulon – CF, CFB, CB)”, që do të mund ti nevojitet eventualisht për zbatimin me sukses të kontratës për procedurën e prokurimit publik të lartpërmendur, për prodhimin e produkteve 1. “Letër A5 “Traktor” në 3 kopje; 2. “Letër A4 “Traktor” në 3 kopje”, sipas karakteristikave dhe specifikimeve teknike (skedën teknike) bashkëlidhur kësaj deklarate/letër angazhimi.”, bashkëlidhur skede teknike nga Goodëill Group Limited (QINGDAO FOCUS PAPER CO.,LTD.). Si dhe Dokumentin “Deklaratë zyrtare”, datë 08.09.2022 lëshuar nga Goodëill Group Limited (QINGDAO FOCUS PAPER CO.,LTD.) nëpërmjet kësaj shkrese konfirmojmë se, Office Paper SHPK....është klienti ynë ekskluziv, i drejtpërdrejtë si dhe distributori ynë i besuar – për lëndën e parë “”Letër kimike (mbështjelljet – CF, CFB, CB) e nevojshme për prodhimin e produktit “Letër vetëkopjuese (CB, CFB, CF)”, më Shqipëri.”, shoqëruar me Skedë teknike Letër Kopjuese pa Karbon për CB – E veshur mbrapa (kopja e parë); CFB – E veshur para dhe pas (kopja e dytë), CF – e veshur para (kopja e tretë). (në gjuhën anglisht dhe shqip).

Pra, sa më sipër, operatori ekonomik “Inpress” SHPK, me anë të dokumentacionit të mësipërm vërteton se do të furnizohet me produktin e lëndë e parë “letër kimike (rulon – CF, CFB, CB)” nga shoqëria Office Paper, e cila është distributori për Shqipërinë, nga shoqëria prodhuese Goodëill Group Limited (QINGDAO FOCUS PAPER CO.,LTD.).

Referuar kriterit të veçantë të kualifikimit rezulton, se është kërkuar shprehimisht që operatorët ekonomikë ofertues të cilët ofrojnë Letër A5, “Traktor” (3 kopje); Letër A4 “Traktor” (3 kopje) si produkt i gatshëm/final, duhet të paraqesin pranë Autoritetit Kontraktor autorizimin e prodhuesit ose distributorit të autorizuar së bashku me skedën teknike të produktit të ofertuar, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, “Traktor” (3 kopje); Letër A4 “Traktor” (3 kopje). Skeda teknike të paraqitet për të dyja llojet e letrës traktor në përputhje me specifikimet teknike përkatëse.

Ndërsa operatorët ekonomikë prodhues të produktit të gatshëm/final duhet të paraqesin pranë Autoritetit Kontraktor autorizimin e prodhuesit ose distributorit të autorizuar për lëndën e parë të përdorur për prodhimin e letrës traktor, si dhe duhet të paraqesin skedën teknike për letrën e përdorur gjatë prodhimit të letrës traktor, të certifikuar nga prodhuesi, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, “Traktor” (3 kopje); Letër A4 “Traktor” (3 kopje). Skeda teknike të paraqitet për të dyja llojet e letrës traktor në përputhje me specifikimet teknike përkatëse.

Nisur nga pretendimi i operatorit ekonomik “Adel CO” SHPK, për skualifikimin e operatorit ekonomik “Inpress” SHPK, sa më sipër, nga verifikimi i dokumentacionit të dorëzuar në sistemin e prokurimit elektronik, nga operatori ekonomik ankimues “Inpress” SHPK, në përmbushje të kriterit të kualifikimit në pikën 2.3.4 të kapacitetit teknik, të modifikuar, operatori ekonomik “Inpress” SHPK, duke qenë së është prodhues i produktit final letrës traktor, ka paraqitur autorizimin e distributorit për lëndën e parë për prodhimin e letrës, nga Office Paper SHPK, si dhe skedën teknike për letrën e përdorur, të lëshuar nga prodhuesi i lëndës së parë *Goodëill Group Limited (QINGDAO FOCUS PAPER CO.,LTD.)*

Nga verifikimi i skedës teknike për produktet Letër e vazhduar (traktor) A4 dhe Letër e vazhduar (traktor) A5, konstatohet se nuk janë pasqyruar të gjitha specifikimet teknike të kërkuara në dokumentat e tenderit, siç janë përmasat e letrës A4 dhe A5. Operatori ekonomik “Inpress” SHPK, si operatori ekonomik me interes për të fituar kontratën ka detyrimin të paraqesë të gjithë dokumentacionin e nevojshëm me qëllim vërtetimin se produkti i ofruar prej tij përmbush të gjitha specifikimet teknike të kërkuara nga autoriteti kontraktor. Në kriterin e kualifikimit, kërkohet paraqitja e skedës teknike për të dyja llojet e letrës traktor, si për A4 dhe A5, ndërkohë nga verifikimi i dokumentacionit të operatorit ekonomik nuk vërtetohet përmbushja e kësaj kërkesë.

Sa më sipër konstatuar, referuar specifikimeve teknike të kërkuara nga autoriteti kontraktor në dokumentet e tenderit, si dhe nga verifikimi i përmbushjes së këtyre specifikimeve në dokumentat e paraqitura nga operatori ekonomik “Inpress” SHPK, konstatohet, se dokumentacioni i dorëzuar nga ky i fundit në SPE nuk përmban të gjitha elementet/specifikimet teknike të kërkuara nga autoriteti kontraktor.

Akoma më tej, Komisioni i Prokurimit Publik sjell në vëmendje, se operatori ekonomik ka detyrimin të paraqesë ofertën e tij në përputhje me të gjitha kriteret dhe specifikimet teknike të kërkuara nga autoriteti kontraktor në dokumentet e tenderit. Komisioni sqaron, se nëse operatori ekonomik ankimues do të kishte pretendime në lidhje me kriteret/specifikimet teknike të vendosura nga autoriteti kontraktor në dokumentet e tenderit, ka pasur në dispozicion momentin procedural të paraqitjes së ankesës lidhur me kriteret e përcaktuara në dokumentet e tenderit, parashikuar nga neni 110 pika 1/1 e LPP. Në nenin 110 pika 1/1 të ligjit nr.162 datë 23.12.2020 “Për Prokurimin Publik”, ku parashikohet se *“Në procedurat e prokurimit mbi kufirin e lartë monetar, në rastin e ankesave për dokumentet e tenderit, operatorët ekonomikë kanë të drejtë të ankohen brenda 10 ditëve nga publikimi i njoftimit të kontratës ose publikimi i ndryshimit të kërkesave në dokumentet e tenderit. Në procedurat e prokurimit nën kufirin e lartë monetar ky afat është 7 ditë.”*. Komisioni gjykon, se është detyrë e operatorëve ekonomikë të përgatisin ofertat e tyre në përputhje me kriteret dhe kushtet e vendosura nga autoriteti kontraktor në dokumentet e tenderit, për sa kohë që i kanë pranuar ato dhe nuk i kanë bërë në asnjë rast objekt-ankimimi.

Rrjedhimisht, pretendimet e operatorit ekonomik ankimues “Adel CO” SHPK për skualifikimin e operatorit ekonomik “Inpress” SHPK qëndron.

III.5. Lidhur me pretendimet e tjera të ngritura nga operatori ekonomik ankimues “Adel – CO” SHPK, mbi kualifikimin e padrejtë të operatorit ekonomik “Inpress” SHPK, gjykojmë, se referuar arsytimit të mësipërm, gjendja faktike dhe juridike e operatorit ekonomik “Inpress” SHPK, do të ndryshojë duke u skualifikuar nga procedura në fjalë, duke

përmbushur kështu interesin e ankimesit. Rrjedhimisht pretendimet e tjera të ngritura nga operatori ekonomik ankimes, nuk do të merren në shqyrtim, në respekt të parimit të ekonomisë në shqyrtimin administrativ.

III.6. Lidhur me pretendimin e operatorit ekonomik “Infosoft Office” SHPK, se arsytet e skualifikimit “*Në lidhje me këtë kriter KVO konsaton se dokumenti i paraqitur nga OE Infosoft Office SHPK - Autorizim (i pretenduar I lëndës së parë) i Prodhuesit “Mitsubishi HiTec Paper Europe GmbH” me titullim "Dokument Autorizimi / letter of Authorization" datë 11.08.2022, nuk është në përputhje me kriteret e përcaktuara në DST, ku thuhet se: "Të gjithë dokumentet duhet të jenë origjinalë ose fotokopje të noterizuara të tyre.", pra dokumentacioni i depozituar në SPE nuk është as origjinal dhe as kopje e njëhësuar me origjinalin.*

Në dokumentacionin e depozituar në SPE nga ana e OE rezulton se dokumentacionin noterial: "Vërtetim Njesie me Origjinalin", Nr./Rep 5954, datë 03.11.2022, ku përcaktohet: "Dokumenti bashkëngjitur është i njejtë me mesazhin elektronik i ardhur nga adresa XXXX@infosoftoffice.al në adresën e noterit XXXX@yahoo.com noterizua në emër të shoqërisë "Infosoft Office" SHPK Rrjedhimisht, ky dokument nuk është paraqitur as në origjinal dhe as në kopje të njëhësuar me origjinalin.

b) Dokumentit - Skeda teknike Faqja e dyte - kopje para dhe prapa- CFB coated front and back nuk është as original dhe as kopje e njëhësuar me origjinalin.

OE Infosoft Office shpk, ka paraqitur dokumentacionin noterial: "Vërtetim Njesie me Origjinalin", Nr./Rep 5951, datë 03.11.2022, ku përcaktohet: "Dokumenti bashkëngjitur është i njejtë me mesazhin elektronik i ardhur nga adresa XXXX@infosoftoffice.al në adresën e noterit XXXX@yahoo.com noterizua në emër të shoqërisë "Infosoft Office shpk." Rrjedhimisht, ky dokument nuk është paraqitur as në origjinal dhe as në kopje të njëhësuar me origjinalin.", nuk qëndron, Komisioni i Prokurimit Publik vëren se:

III.6.1. Në shtojcën 7 “Kriteret Veçanta të Kualifikimit”, në dokumentet standarde të tenderit të procedurës së prokurimit objekt-ankimi, autoriteti kontraktor ka përcaktuar si më poshtë vijon:

Të gjithë dokumentat duhet të jenë origjinalë ose kopje të noterizuara të tyre. Rastet e mosdorëzimit të një dokumenti, ose të dokumentave të rreme e të pasakta, konsiderohen si kushte për skualifikim.

III.6.2. Nga verifikimet në sistemin e prokurimeve elektronike rezulton, se operatori ekonomik “Infosoft Office” SHPK në përmbushje të kriterit sa më sipër ka dorëzuar dokumentacionin si më poshtë:

- Dokument autorizimi datë 11.08.2022 lëshuar nga shoqëria Mitsubishi Hitec Paper për shoqërinë Algrafika SHPK me përmbajtje si më poshtë: “*Në Mitsubishi HiTec Paper Europe GmbH, me adresë Niedernholz 23, 33699 Bielefeld Gjermani, që jemi prodhues zyrtar të letrës pa karbon, me fabrika në Gjermani, deklarojmë se furnizojmë Algrafika shpk, autostrada Tr-DR Km 8, Kashar, Tiranë, Shqipëri, me produkte të prodhuara në fabrikat tona. Algrafika shpk është distributori ynë i*

autorizuar në shitjen e letrës pa karbon të prodhuar nga Mitsubishi HiTec Paper Europe GmbH për tregun shqiptar, në sektorin privat dhe publik.”, shoqëruar me Vërtetim Njësie me Origjinalin nr.rep 5954, datë 03.11.2022, me firmë dhe vulë noteriale si dhe dhe vërtetim përkthimi nr. Rep. 5955, datë 03.11.2022;

- *Skede teknike faqja e parë CF – Technical Data Sheet, giroform, Ultra CF, shoqëruar me Vërtetim Njësie me Origjinalin nr.rep 5953, datë 03.11.2022 dhe vërtetim përkthimi nr. Rep. 5957, datë 03.11.2022;*
- *Skede teknike faqja e dytë CFB – Technical Data Sheet, giroform, Ultra CF, shoqëruar me Vërtetim Njësie me Origjinalin nr.rep 5951, datë 03.11.2022 dhe vërtetim përkthimi;*
- *Skede teknike faqja e dytë CB – Technical Data Sheet, giroform, Ultra CFB, shoqëruar me Vërtetim Njësie me Origjinalin nr.rep 5952, datë 03.11.2022 dhe vërtetim përkthimi;*

III.6.3. Në nenin 82 “Formulari përmbledhës i vetëdeklarimit”, të ligjit nr. 162/2020 “Për prokurimin publik”, parashikohet shprehimisht se: “5. Në çdo rast, përpara se të japë kontratën, autoriteti ose enti kontraktor duhet t’i kërkojë ofertuesit fitues që të dorëzojë:

a) *dokumentet e paraqitura si pjesë e ofertës në rrugë elektronike, të cilat në kohën e dorëzimit pranë autoritetit kontraktor duhet të jenë në origjinal ose kopje të noterizuara të tyre;*

b) *dokumentet mbështetëse në origjinal ose një kopje të noterizuar të tyre për vetëdeklarimet e dhëna. Rregulla të posaçme për këtë pikë parashikohen në rregullat e prokurimit publik.*

III.6.4. Në nenin 26, të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, parashikohet shprehimisht se: “Përpara publikimit të njoftimit të fituesit dhe nisjes së afateve të ankimimit, autoriteti/enti kontraktor i kërkon ofertuesit të kualifikuar i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j”, të pikës 2, të këtij neni, si dhe dokumentet e tjera shoqëruese të ofertës, të dorëzuara në rrugë elektronike”.

III.6.5. Në nenin 62, pika 1 “Kompetencat e noterit” të ligjit nr. 110/2018 “Për noterinë” parashikohet se: “i) vërteton se kopjet ose versionet e shkurtuara të dokumenteve janë të njëjta me origjinalin e paraqitur nga palët e interesuara”.

Në nenin 129 “Vërtetimi i njësisë me origjinalin” parashikohet se: “1. Noteri bën vërtetimin e njësisë së kopjeve ose të shkurtimeve të dokumenteve me origjinalin, të dokumenteve të publikuara, si dhe të çdo dokumenti tjetër, pasi të ketë krahasuar përmbajtjen e tyre.

2. Noteri duhet të përmendë në vërtetim se nga kush është paraqitur dokumenti, nga i cili është nxjerrë kopja ose shkurtimi, nëse është nxjerrë nga një dokument origjinal apo nga ndonjë kopje tjetër e njësuar me origjinalin.

3. Kur dokumenti i paraqitur ka shënime, korrigjime, shtesa, fshirje ose shenja të tjera të veçanta, noteri bën njësimin dhe i pasqyron ato në vërtetim. Në vërtetim pasqyrohet edhe nëse dokumenti origjinal është grisur, dëmtuar apo në ndonjë formë tjetër duket i dyshimtë në pamjen e tij, përveç kur kjo duket qartë nga kopja e dokumentit origjinal.

4. Në rastin e kopjeve të shkurtuara, noteri sqaron nëse pjesët e hequra kanë ndonjë lidhje për pjesët e paraqitura të aktit.

5. Në rastin kur dokumenti është në gjuhë të huaj noteri bën vërtetimin e njësisë me origjinalin, duke kërkuar ndihmën e një përkthyesi, ose duke e bërë vetë kryesisht, sipas parashikimeve të nenit 100 të këtij ligji”

Në nenin 138 “Ankimi për pavlefshmërinë e akteve ose veprimeve noteriale” parashikohet se : *“1. Pavlefshmëria e aktit ose e veprimit noterial mund të kërkohej nga personat që kanë marrë pjesë në hartimin e tij dhe nga çdo person që heq të drejta e merr përsipër detyrime prej tyre. Kërkesa shqyrtohet nga gjykata e rrethit gjyqësor, në territorin e së cilës e ushtron veprimtarinë zyra noteriale që ka kryer këto akte a veprime noteriale.*

2. Në vendimin e gjykatës që deklaron të pavlefshëm një akt noterial, urdhërohet zyra përkatëse e noterisë të bëjë shënimet e duhura në origjinalin e aktit, i cili ndodhet i depozituar në këtë zyrë.

III.6.6. Në pikën 14 të Udhëzimit nr. 23, datë 07.12.2020 *“Për evidentimin, administrimin, ruajtjen e akteve e të dokumenteve noteriale dhe për organizimin, funksionimin dhe ruajtjen e arkivave noterialë, përfshirë formatin e tyre, si dhe formën, përmbajtjen, verifikimin e rregullueshmërisë dhe administrimin e regjistrave të veprimtarisë noteriale”, seksioni “I. Evidentimi, administrimi dhe ruajtja e akteve dhe dokumenteve noteriale” parashikohet se: “14. Në rastin e vërtetimit të kopjes me dokumentin origjinal, në arkivin e noterit ruhet një kopje e tij. Noteri bën shënimin “Vërtetohet se njësia është kopje e njëjtë me dokumentin origjinal.”. Vërtetimi i kopjes me origjinalin bëhet me dokument të veçantë. Vërtetimi i njësive së kopjeve ose shkurtimeve me origjinalin është i parregullt, kur teksti, pjesë të tij ose shkronja të veçanta të kopjes së vërtetuar të dokumentit, nuk janë të lexueshme.*

III.6.7. Nisur nga arsyet e skualifikimit, Komisioni i Prokurimit Publik, pasi shqyrtoi dokumentacionin e paraqitur nga operatori ekonomik “Infosoft Office” SHPK, konkretisht - Dokument autorizimi datë 11.08.2022 lëshuar nga shoqëria Mitsubishi Hitec Paper për shoqërinë Algrafika SHPK, shoqëruar me Vërtetim Njësie me Origjinalin nr.rep 5954, datë 03.11.2022, me firmë dhe vulë noteriale si dhe dhe vërtetim përkthimi nr. Rep. 5955, datë 03.11.2022; si dhe Skede teknike faqja e parë CF – Technical Data Sheet, giroform, Ultra CF, shoqëruar me Vërtetim Njësie me Origjinalin nr.rep 5953, datë 03.11.2022 dhe vërtetim përkthimi nr. Rep. 5957, datë 03.11.2022, konstatoi se dokumentacioni i mësipërm është i shoqëruar me Vërtetim Njësie me Origjinalin, e cila përmban të dhëna si: nr. REP, data, të dhënat e noterit (emri, mbiemri, adresa) si dhe pullë tarife e paguar.

Në rastin konkret, KPP konstaton, se kemi të bëjmë me Vërtetim njësie me origjinalin, ku sipas udhëzimit të sipërcituar në pikën 14, parashikohet se *“Në rastin e vërtetimit të kopjes me dokumentin origjinal, në arkivin e noterit ruhet një kopje e tij. Noteri bën shënimin “Vërtetohet se njësia është kopje e njëjtë me dokumentin origjinal.”. Vërtetimi i kopjes me origjinalin bëhet me dokument të veçantë. Vërtetimi i njësive së kopjeve ose shkurtimeve me origjinalin është i parregullt, kur teksti, pjesë të tij ose shkronja të veçanta të kopjes së vërtetuar të dokumentit, nuk janë të lexueshme”.*

KPP thekson, se një ndër parimet kryesore të zhvillimit të procedurës së prokurimit, është ai barazisë në trajtimin e kërkesave dhe të detyrimeve, që u ngarkohen ofertuesve ose

kandidatëve, parashikuar nga neni 3 i ligjit nr. 162/2020 “Për prokurimin publik”. Me marrjen pjesë në procedurën e prokurimit, operatorët ekonomikë janë të detyruar të përgatisin ofertat, në përputhje me kërkesat e përcaktuara në dokumentet e tenderit dhe ofertat që nuk përgatiten në përputhje me këto dokumente duhet të refuzohen si të papranueshme. KPP gjykon se, zbatimi i parimit të transparencës, barazisë, dhe mosdiskriminimit janë garancitë kyçe ndaj ofertuesve që ofron kuadri ligjor në fuqi. Këto parime, ndër të tjera nënkuptojnë se, operatorët ekonomikë duhet të jenë në një pozicion të barabartë, si kur përgatisin ofertat e tyre, ashtu dhe kur vlerësohen ato.

Në rastin konkret, Komisioni i Prokurimit Publik gjykon, se autoriteti kontraktor nuk duhet të kalojë përtej kapaciteteve të noterit, pasi veprimet e këtij të fundit shqyrtohen nga gjykata e rrethit gjyqësor, në territorin e së cilës e ushtron veprimtarinë zyra noteriale që ka kryer këto akte a veprime noteriale. Nëse është e nevojshme, autoriteti kontraktor, kërkon sqarime nga ofertuesit, të cilat duhet të jenë me shkrim ose të reflektuara në procesverbal të parashikuara në nenin 82, të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar. Për më tepër, që autoriteti kontraktor mund të ishte drejtuar për informacion më të detajuar për vlefshmërinë e veprimeve noteriale, organeve kompetente siç është Ministria e Drejtësisë dhe Dhoma e Noterisë.

Rrjedhimisht, pretendimi i operatorit ekonomik ankimes qëndron.

III.7. Lidhur me pretendimin e operatorit ekonomik “Infosoft Office” SHPK se arsyeja e skualifikimit të ofertës së tij ekonomike se “[...] Në përmbajtje të Dokumentit të paraqitur nga OE Infosoft Office SHPK - Autorizim (I pretenduar i lëndës së parë) i Prodhuesit Mitsubishi HiTec Paper Europe GmbH - me titullim "Dokument Autorizimi / letter of Authorization" datë 11.08.2022, përcaktohet shprehimisht se:.... "deklarojmë se do të furnizojmë "Algrafika" SHPK.. me produktet e prodhuara në fabrikat tona. Algrafika SHPK është distributori ynë i autorizuar për shitjen e letrës pa karbon të prodhuar nga Mitsubishi HiTec Paper Europe GmbH për tregun shqiptar, privat apo publik."

Bazuar në përmbajtjen e këtij dokumenti, nuk përcaktohet dhe nuk kuptohet nëse Prodhuesi "Mitsubishi HiTec Paper Europe GmbH", do të furnizojë shoqërinë "Algrafika" SHPK me lëndë të parë e nevojshme për prodhimin e letrës traktor, apo do të furnizojë shoqërinë Algrafika SHPK me produktin e gatshëm/final letër traktor

Rrjedhimisht, bazuar në përmbajtjen e këtij dokumenti nuk "...vërtetohet lidhja e prodhuesit dhe/ose distributorit të autorizuar të letrës lënde e parë me prodhuesin e letrës traktor (prodhues i cili pretendohet të jetë shoqëria "Algrafika" SHPK, në rastin konkret).", nuk qëndron, Komisioni i Prokurimit Publik vëren se:

III.7.1. Në shtojcën e publikuar nga autoriteti kontraktor për modifikimin e dokumentave të tenderit pika 2.3.4 e “Kapacitetit teknik”, është modifikuar si më poshtë:

Pika 2.3.4 Ishte:

2.3.4 Operatori ekonomik duhet të paraqesë autorizim prodhuesi ose distributori i autorizuar për letrat e përdorura për prodhimin e letrës traktor, si dhe duhet të dorëzojë skedat teknike për letrat e përdorura gjatë prodhimit të letrës traktor, të certifikuar dhe testuar nga

prodhuesi, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, “Traktor” (3 kopje); Letër A4 “Traktor” (3 kopje)”.

Skeda teknike të paraqitet për të dyja llojet e letrës traktor në përputhje me specifikimet teknike përkatëse.

Pika 2.3.4 Bëhet:

2.3.4 Operatorët ekonomikë të cilët ofrojnë Letër A5, “Traktor” (3 kopje); Letër A4 “Traktor” (3 kopje) si produkt i gatshëm/final, duhet të paraqesin pranë Autoritetit Kontraktor autorizimin e prodhuesit ose distributorit të autorizuar së bashku me skedën teknike të produktit të ofertuar, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, “Traktor” (3 kopje); Letër A4 “Traktor” (3 kopje).

Skeda teknike të paraqitet për të dyja llojet e letrës traktor në përputhje me specifikimet teknike përkatëse.

Operatorët ekonomikë prodhues të produktit të gatshëm/final duhet të paraqesin pranë Autoritetit Kontraktor autorizimin e prodhuesit ose distributorit të autorizuar për lëndën e parë të përdorur për prodhimin e letrës traktor, si dhe duhet të paraqesin skedën teknike për letrën e përdorur gjatë prodhimit të letrës traktor, të certifikuar nga prodhuesi, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, “Traktor” (3 kopje); Letër A4 “Traktor” (3 kopje).

Skeda teknike të paraqitet për të dyja llojet e letrës traktor në përputhje me specifikimet teknike përkatëse.

Në çdo rast duhet vërtetuar lidhja e prodhuesit dhe/ose distributorit të autorizuar të letrës lënde e parë me prodhuesin e letrës traktor.

III.7.2. Nga shqyrtimi i dokumentacionit të operatorit ekonomik “Infosoft Office” ShPK, rezulton se është paraqitur, në përmbushje të kriterit të sipërcituar:

- Dokument autorizimi datë 11.08.2022 lëshuar nga shoqëria Mitsubishi Hitec Paper për shoqërinë Algrafika SHPK me përmbajtje si më poshtë: “Në Mitsubishi HiTec Paper Europe GmbH, me adresë Niedernholz 23, 33699 Bielefeld Gjermani, që jemi prodhues zyrtar të letrës pa karbon, me fabrika në Gjermani, deklarojmë se furnizojmë Algrafika shpk, autostrada Tr-DR Km 8, Kashar, Tiranë, Shqipëri, me produkte të prodhuara në fabrikat tona. Algrafika shpk është distributori ynë i autorizuar në shitjen e letrës pa karbon të prodhuar nga Mitsubishi HiTec Paper Europe GmbH për tregun shqiptar, në sektorin privat dhe publik.”, shoqëruar me Vërtetim Njësie me Origjinalin nr.rep5954, datë 03.11.2022 dhe vërtetim përkthimi;
- Dokumentin e lëshuar nga Algrafika SHPK me përmbajtje “Kompania Algrafika shpk me adresë Autostrada Tiranë – Durrës, Km 8, Kashar, Tiranë, në cilësinë e prodhuesit të letrës së vazhduar (traktor), deklaroi se Infosoft Office shpk me adresë në Autostradën Tiranë – Durrës, Km8, Kashar, Tiranë, Shqipëri është distributor i autorizuar në Shqipëri për të gjitha prodhimet tona të letrës.”

- Skede teknike Letër e vazhduar (traktor) A4 dhe Skedë teknike Letër e vazhduar(traktor) A5, të lëshuar nga prodhuesi i letrës së vazhduar Algrafika shpk;
- Skede teknike faqja e parë CF – Technical Data Sheet, giroform, Ultra CF, *shoqëruar me Vërtetim Njësie me Origjinalin nr.rep5953, datë 03.11.2022 dhe vërtetim përkthimi;*
- Skede teknike faqja e dytë CFB – Technical Data Sheet, giroform, Ultra CF, *shoqëruar me Vërtetim Njësie me Origjinalin nr.rep5951, datë 03.11.2022 dhe vërtetim përkthimi;*
- Skede teknike faqja e dytë CB – Technical Data Sheet, giroform, Ultra CFB, *shoqëruar me Vërtetim Njësie me Origjinalin nr.rep5952, datë 03.11.2022 dhe vërtetim përkthimi;*

III.7.3. Në neni 77, pika 1 dhe 4 “Kërkesat për kualifikim” të ligjit 162/2020 “Për Prokurimin Publik” parashikon shprehimisht se:

1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:

- a) përshtatshmërinë për të kryer veprimtarinë profesionale;*
- b) gjendjen ekonomike dhe financiare;*
- c) aftësinë teknike dhe profesionale.*

Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.

[...]

4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie.

Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvojë që vërtetohet nga referenca të përshtatshme nga kontratat e zbatuara në të shkuarën.

Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.”.

III.7.4. Kriteret për kualifikim vendosen që t’i shërbejnë autoritetit kontraktor për të krijuar një panoramë të përgjithshme të kapaciteteve dhe mundësisë së operatorit për përmbushje me sukses të kontratës. Në varësi të kontratës dhe volumit të saj autoriteti kontraktor përcakton kërkesat e veçanta për kualifikim, të cilat janë të detyrueshme për t’u përmbushur nga operatorët ekonomikë pjesëmarrës në procedurat e prokurimit. Operatorët ekonomikë janë të detyruar të përgatisin ofertat, në përputhje me kërkesat e përcaktuara në dokumentet e tenderit dhe ofertat që nuk përgatiten në përputhje me këto dokumente duhet të refuzohen si të papranueshme. Gjithashtu një ndër parimet kryesore të zhvillimit të procedurës së prokurimit është ai barazisë në trajtimin e kërkesave dhe të detyrimeve, që u ngarkohen

ofertuesve ose kandidatëve, parashikuar nga neni 3 i ligjit nr. Nr. 162/2020 “Për prokurimin publik”. Zbatimi i parimit të transparencës, barazisë dhe mosdiskriminimit, janë garancitë kyçe ndaj ofertuesve që ofron kuadri ligjor në fuqi. Këto parime ndër të tjera nënkuptojnë se operatorët ekonomikë duhet të jenë në një pozicion barazie, si kur përgatisin ofertat e tyre, ashtu dhe kur të vlerësohen ato.

Gjithashtu, Komisioni i Prokurimit Publik gjykon se kriteret për kualifikim vendosen që ti shërbejnë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion realizimit me sukses të kontratës.

III.7.5. Nga shqyrtimi i dokumentave të tenderit, në interpretim të kriterit të mësipërm, vërejmë se autoriteti kontraktor ka ndarë dy momente në përmbushje të tij, kokretisht “Operatorët ekonomikë të cilët ofrojnë Letër A5, “Traktor” (3 kopje); Letër A4 “Traktor” (3 kopje) si produkt i gatshëm/final, duhet të paraqesin pranë Autoritetit Kontraktor autorizimin e prodhuesit ose distributorit të autorizuar së bashku me skedën teknike të produktit të ofertuar, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, “Traktor” (3 kopje); Letër A4 “Traktor” (3 kopje).

Skeda teknike të paraqitet për të dyja llojet e letrës traktor në përputhje me specifikimet teknike përkatëse.

Operatorët ekonomikë prodhues të produktit të gatshëm/final duhet të paraqesin pranë Autoritetit Kontraktor autorizimin e prodhuesit ose distributorit të autorizuar për lëndën e parë të përdorur për prodhimin e letrës traktor, si dhe duhet të paraqesin skedën teknike për letrën e përdorur gjatë prodhimit të letrës traktor, të certifikuar nga prodhuesi, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, “Traktor” (3 kopje); Letër A4 “Traktor” (3 kopje).

Skeda teknike të paraqitet për të dyja llojet e letrës traktor në përputhje me specifikimet teknike përkatëse.”

Në rastin konkret, nga verifikimi i dokumentacionit të dorëzuar në sistemin e prokurimit elektronik, nga operatori ekonomik ankimues “Infosoft Office” SHPK, konstatohet se ky i fundit ka paraqitur dokumentin e lëshuar nga Algrafika SHPK, datë 03.01.2022 me përmbajtje “Kompania Algrafika shpk me adresë Autostrada Tiranë – Durrës, Km 8, Kashar, Tiranë, në cilësinë e prodhuesit të letrës së vazhduar (traktor), deklaron se Infosoft Office shpk me adresë në Autostradën Tiranë – Durrës, Km8, Kashar, Tiranë, Shqipëri është distributor i autorizuar në Shqipëri për të gjitha prodhimet tona të letrës”, pra operatori ekonomik “Infosoft Office” SHPK, me anë të dokumentacionit të mësipërm vërteton se do të furnizohet me produktin e gatshëm letër e vazhduar (traktor), nga prodhuesi i saj, shoqëria Algrafika SHPK. Gjithashtu, operatori ekonomik “Infosoft Office” SHPK ka paraqitur Skedë teknike për produktet Letër e vazhduar (traktor) A4 dhe Letër e vazhduar (traktor) A5, lëshuar nga shoqëria Algrafika SHPK, në të cilin pasqyrohen specifikime teknike për Letër e vazhduar (traktor) A4 dhe Letër e vazhduar (traktor) A5 si dimensionet, Nr i kopje: 3 (CF+CFB+CB), ngjyra, lloji i letrës, modeli, kuti: 1400 sete me 3 kopje.

Operatori ekonomik “Infosoft Office” SHPK, gjithashtu ka paraqitur dokumentin autorizim datë 11.08.2022 lëshuar nga shoqëria Mitsubishi Hitec Paper për shoqërinë Algrafika SHPK me përmbajtje si më poshtë: *“Në Mitsubishi HiTec Paper Europe GmbH, me adresë Niedernholz 23, 33699 Bielefeld Gjermani, që jemi prodhues zyrtar të letrës pa karbon, me fabrika në Gjermani, deklarojmë se furnizojmë Algrafika shpk, autostrada Tr-DR Km 8, Kashar, Tiranë, Shqipëri, me produkte të prodhuara në fabrikat tona. Algrafika shpk është distributori ynë i autorizuar në shitjen e letrës pa karbon të prodhuar nga Mitsubishi HiTec Paper Europe GmbH për tregun shqiptar, në sektorin privat dhe publik.”*, shoqëruar me Vërtetim Njësie me Origjinalin nr.rep5954, datë 03.11.2022 dhe vërtetim përkthimi; si dhe skedat teknike faqja e parë Ultra CF, faqja e dytë Ultra CFB dhe faqja e tretë Ultra CB – Technical Data Sheet, giroform, nga prodhuesi Mitsubishi HiTec Paper Europe GmbH, shoqëruar me Vërtetim Njësie me Origjinalin dhe vërtetim përkthimi për secilën nga kopjet e mësipërme.

Pra, sa më sipër me dokumentacionin e paraqitur, konstatohet se operatori ekonomik “Infosoft Office” SHPK, nuk është prodhues i letrës së vazhduar (Traktor), por referuar dokumentit të lëshuar nga shoqëria Albgrafika shpk, vërtetohet se kjo e fundit është prodhues i letrës së vazhduar (Traktor) dhe operatori ekonomik “Infosoft Office” SHPK është distributori i autorizuar në Shqipëri.

Gjithashtu, operatori ekonomik “Infosoft Office” SHPK në përmbushje të kriterit të mësipërm, ku kërkohet që *“Në çdo rast duhet vërtetuar lidhja e prodhuesit dhe/ose distributorit të autorizuar të letrës lëndë e parë me prodhuesin e letrës traktor”*, ka paraqitur dokumentin autorizim datë 11.08.2022 lëshuar nga shoqëria Mitsubishi Hitec Paper për shoqërinë Algrafika SHPK ku deklorohet që shoqëria është distributori i autorizuar në shitjen e letrës pa karbon të prodhuar nga Mitsubishi HiTec Paper Europe GmbH për tregun shqiptar, në sektorin privat dhe publik. Ky dokument është shoqëruar me Vërtetim Njësie me Origjinalin nr.rep 5954, datë 03.11.2022 dhe vërtetim përkthimi; si dhe skedat teknike faqja e parë Ultra CF, faqja e dytë Ultra CFB dhe faqja e tretë Ultra CB – Technical Data Sheet, giroform, nga prodhuesi Mitsubishi HiTec Paper Europe GmbH, shoqëruar me Vërtetim Njësie me Origjinalin dhe vërtetim përkthimi për secilën nga kopjet e mësipërme.

Sa më sipër, argumentuar, gjykojmë se, operatorit ekonomik “Infosoft Office” SHPK, me dokumentacionin e paraqitur vërteton se ofron Letër “Traktor” si produkt i gatshëm/final dhe për këtë arsye ka paraqitur autorizimin e prodhuesit nga shoqëria Albgrafika SHPK. Gjithashtu, në vijimësi të përmbushjes së kriterit ka paraqitur autorizimin e prodhuesit për lëndën e parë nga shoqëria Mitsubishi HiTec Paper Europe GmbH për shoqërinë Albgrafika shpk, duke vërtetuar lidhjen midis prodhuesit të lëndës së parë me prodhuesin e letrës traktor.

Rrjedhimisht, pretendimi i operatorit ekonomik ankimes qëndron.

III.8. Lidhur me pretendimin e operatorit ekonomik “Infosoft Office” SHPK, se arsyet e skualifikimit të ofertës së tij ekonomike *“Gjithashtu problematika janë konstatuar edhe në specifikimet teknike të depozituara nga ana e OE "Infosoft Office" SHPK ku vlerat e paraqitura kishin mospërputhje me vlerat e kërkuara në DST. Kjo vlen si për Letër A5, “Traktor” (3 kopje)” ashtu edhe për Letër A4 “Traktor” ” (3 kopje)”*.

Dokumenti i paraqitur nga OE Infosoft shpk. - Skeda teknike Faqja e parë CB-Coated Back, e dyte CFB coated front and back dhe e tretë coated front - nuk është në përputhje me pikën 2.3.4 të DST, pasi nuk është e certifikuar nga prodhuesi Mitsubishi HiTec Paper Europe GmbH.

a) Dokumentit - Skeda teknike Faqja e pare kopje prapa - CB-Coated Back nuk përmban as firmën dhe as vulën e prodhuesit Mitsubishi HiTec Paper Europe GmbH apo të distributorit të autorizuar Algrafica shpk.;

c) Dokumentit - Skeda teknike Faqja trete- kopja para CF coated front nuk përmban as firmën dhe as vulën e prodhuesit Mitsubishi HiTec Paper Europe GmbH apo të distributorit të autorizuar Algrafica shpk. ", nuk qëndrojnë, si dhe pretendimin e operatorit ekonomik "Adel CO" SHPK për skualifikimin e operatorit ekonomik "Infosoft Office" SHPK me arsyetimin se "Sipas pikës së mësipërme firmat duhet të paraqitnin skedat teknike për të dyja llojet e letrës me të gjitha specifikimet e kërkuara në DST. Të dyja këto firma "Dynamicx Group" SHPK dhe "Infosoft Office" SHPK kanë paraqitur vetëm një skedë teknike, duke mos e përcaktuar se për kë letër është, madje ne mendojmë se kjo skedë nuk është sipas të gjitha specifikimeve teknike të kërkuara në dokumentet e tenderit", Komisioni i Prokurimit Publik vëren se:

III.8.1. Në shtojcën e publikuar nga autoriteti kontraktor për modifikimin e dokumentave të tenderit pika 2.3.4 e "Kapacitetit teknik", është modifikuar si më poshtë:

Pika 2.3.4 Ishte:

2.3.4 Operatori ekonomik duhet të paraqesë autorizim prodhuesi ose distributori i autorizuar për letrat e përdorura për prodhimin e letrës traktor, si dhe duhet të dorëzojë skedat teknike për letrat e përdorura gjatë prodhimit të letrës traktor, të certifikuar dhe testuar nga prodhuesi, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, "Traktor" (3 kopje); Letër A4 "Traktor" (3 kopje)".

Skeda teknike të paraqitet për të dyja llojet e letrës traktor në përputhje me specifikimet teknike përkatëse.

Pika 2.3.4 Bëhet:

2.3.4 Operatorët ekonomikë të cilët ofrojnë Letër A5, "Traktor" (3 kopje); Letër A4 "Traktor" (3 kopje) si produkt i gatshëm/final, duhet të paraqesin pranë Autoritetit Kontraktor autorizimin e prodhuesit ose distributorit të autorizuar së bashku me skedën teknike të produktit të ofertuar, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, "Traktor" (3 kopje); Letër A4 "Traktor" (3 kopje).

Skeda teknike të paraqitet për të dyja llojet e letrës traktor në përputhje me specifikimet teknike përkatëse.

Operatorët ekonomikë prodhues të produktit të gatshëm/final duhet të paraqesin pranë Autoritetit Kontraktor autorizimin e prodhuesit ose distributorit të autorizuar për lëndën e parë të përdorur për prodhimin e letrës traktor, si dhe duhet të paraqesin skedën teknike për letrën e përdorur gjatë prodhimit të letrës traktor, të certifikuar nga prodhuesi, ku të jenë të

pasqyruara karakteristikat dhe specifikimet teknike të kërkuara sipas specifikimeve për produktin Letër A5, "Traktor" (3 kopje); Letër A4 "Traktor" (3 kopje).

Skeda teknike të paraqitet për të dyja llojet e letrës traktor në përputhje me specifikimet teknike përkatëse.

Në çdo rast duhet vërtetuar lidhja e prodhuesit dhe/ose distributorit të autorizuar të letrës lënde e parë me prodhuesin e letrës traktor.

III.8.2. Në shtojcën e publikuar nga autoriteti kontraktor për modifikimin e dokumenteve, Shtojca 5, "Specifikimet teknike", është modifikuar si vijon:

Ishin:

V. Letër A5 "Traktor" në 3 kopje

- -format A5, letër vetkopjuese.
- -letër traktor me 3(tre) kopje, të treja të bardha.
- -me birosje në të dy anët dhe në fund të formatit për lehtësi shkëputje të jetë e perforuar.
- -paketimi në kuti me 1400 fije treshe.

VI. Leter A4 "Traktor" ne 3 kopje

- -format A4, letër vetkopjuese.
- -letër traktor me 3(tre) kopje, të treja të bardha.
- -me birosje në të dy anët dhe në fund të formatit për lehtësi shkëputje të jetë e perforuar.
- -paketimi në kuti me 1400 fije treshe.

Bëhen

5. Letër A5 "Traktor" në 3 kopje

- -format A5, me përmasat e jashtme $234 \pm 5 \text{mm} \times 304/152 \pm 5 \text{mm}$, letër vetkopjuese,
- -letër traktor me 3(tre) kopje, të treja të bardha.
- -me birosje në të dy anët dhe në fund të formatit për lehtësi shkëputje të jetë e perforuar.
- -paketimi në kuti me 1400 fije treshe.

Faqja e pare - kopje prapa- CB – Coated Back

Pesha : 58 + - 4% g/m²

Trashesia: 80+ - 6 μm

Ashpersia ne perkulje: MD > 11 mN

Ashpersia ne perkulje: CD > 3 mN

Lemueshmeria > 15 Bekk S

Lageshtira relative 50+ - 8 %

Patejdukshmeria > 79 %

Ndricimi 102 + - 3 %

Faqja e dyte – kopje para dhe prapa- CFB coated front and back

<i>Pesha:</i>	58 + - 4% g/m ²
<i>Trashesia</i>	78+ - 5 μm
<i>Ashpersia ne perkulje:</i>	MD > 11 mN
<i>Ashpersia ne perkulje:</i>	CD > 3 mN
<i>Lemueshmeria</i>	> 30 Bekk S
<i>Lageshtira relative</i>	50+ - 8 %
<i>Ndricimi</i>	94+ - 3 %

Faqja trete- kopja para CF coated front

<i>Pesha:</i>	60 + - 4% g/m ²
<i>Trashesia:</i>	73+ - 6 μm
<i>Ashpersia ne perkulje:</i>	MD > 12 mN
<i>Ashpersia ne perkulje:</i>	CD > 4 mN
<i>Lemueshmeria</i>	> 30 Bekk S
<i>Lageshtira relative</i>	50+ - 8 %
<i>Ndricimi</i>	94+ - 3 %

6. Leter A4 "Traktor" ne 3 kopje

- -format A4 me përmasat e jashtme: 234±5mm x 304± 5mm, letër vetkopjuese,
- -letër traktor me 3(tre) kopje, të treja të bardha.
- -me biosjje në të dy anët dhe në fund të formatit për lehtësi shkëputje të jetë e perforuar.
- -paketimi në kuti me 1400 fije treshe.

Faqja e pare - kopje prapa- CB – Coated Back

<i>Pesha:</i>	58 + - 4% g/m ²
<i>Trashesia:</i>	80+ - 6 μm
<i>Ashpersia ne perkulje:</i>	MD > 11 mN
<i>Ashpersia ne perkulje:</i>	CD > 3 mN
<i>Lemueshmeria</i>	> 15 Bekk S
<i>Lageshtira relative</i>	50+ - 8 %
<i>Patejdukshmeria</i>	> 79 %
<i>Ndricimi</i>	102 + - 3 %

Faqja e dyte – kopje para dhe prapa- CFB coated front and back

<i>Pesha:</i>	58 + - 4% g/m ²
<i>Trashesia:</i>	78+ - 5 μm
<i>Ashpersia ne perkulje:</i>	MD > 11 mN
<i>Ashpersia ne perkulje:</i>	CD > 3 mN
<i>Lemueshmeria</i>	> 30 Bekk S
<i>Lageshtira relative</i>	50+ - 8 %
<i>Ndricimi</i>	94+ - 3 %

Faqja trete- kopja para CF coated front

<i>Pesha:</i>	60 + - 4% g/m ²
<i>Trashesia:</i>	73+ - 6 μm
<i>Ashpersia ne perkulje:</i>	MD > 12 mN
<i>Ashpersia ne perkulje:</i>	CD > 4 mN

<i>Lemueshmeria</i>	> 30	<i>Bekk S</i>
<i>Lageshtira relative</i>	50+ - 8 %	
<i>Ndricimi</i>	94+ - 3 %	

III.8.3. Gjithashtu, autoriteti kontraktor ka publikuar, përsëri shtojcë për modifikimin e dokumentave të tenderit, si vijon:

Ishte:

7. Letër A5 "Traktor" në 3 kopje

-format A5, me përmasat e jashtme 234±5mm x 304/152±5mm, letër vetkopjuese,

Bëhet:

5. Letër A5 "Traktor" në 3 kopje

-format A5, me përmasat e jashtme 234±5mm x 152±5mm, letër vetkopjuese.

III.8.4. Nga shqyrtimi i dokumentacionit të operatorit ekonomik "Infosoft Office" ShPK, rezulton se është paraqitur, në përmbushje të kriterit të sipërcituar:

- Dokument autorizimi datë 11.08.2022 lëshuar nga shoqëria Mitsubishi Hitec Paper për shoqërinë Algrafika SHPK me përmbajtje si më poshtë: *"Në Mitsubishi HiTec Paper Europe GmbH, me adresë Niedernholz 23, 33699 Bielefeld Gjermani, që jemi prodhues zyrtar të letrës pa karbon, me fabrika në Gjermani, deklarojmë se furnizojmë Algrafika shpk, autostrada Tr-DR Km 8, Kashar, Tiranë, Shqipëri, me produkte të prodhuara në fabrikat tona. Algrafika shpk është distributori ynë i autorizuar në shitjen e letrës pa karbon të prodhuar nga Mitsubishi HiTec Paper Europe GmbH për tregun shqiptar, në sektorin privat dhe publik."*, shoqëruar me Vërtetim Njësie me Origjinalin nr.rep5954, datë 03.11.2022 dhe vërtetim përkthimi;
- Dokumentin e lëshuar nga Algrafika SHPK me përmbajtje *"Kompania Algrafika shpk me adresë Autostrada Tiranë – Durrës, Km 8, Kashar, Tiranë, në cilësinë e prodhuesit të letrës së vazhduar (traktor), deklaron se Infosoft Office shpk me adresë në Autostradën Tiranë – Durrës, Km8, Kashar, Tiranë, Shqipëri është distributor i autorizuar në Shqipëri për të gjitha prodhimet tona të letrës."*
- Skede teknike Letër e vazhduar (traktor) A4 dhe Skedë teknike Letër e vazhduar(traktor) A5, të lëshuar nga prodhuesi i letrës së vazhduar Algrafika shpk;
- Skede teknike faqja e parë CF – Technical Data Sheet, giroform, Ultra CF, *shoqëruar me Vërtetim Njësie me Origjinalin nr.rep5953, datë 03.11.2022 dhe vërtetim përkthimi;*
- Skede teknike faqja e dytë CFB – Technical Data Sheet, giroform, Ultra CF, *shoqëruar me Vërtetim Njësie me Origjinalin nr.rep5951, datë 03.11.2022 dhe vërtetim përkthimi;*
- Skede teknike faqja e dytë CB – Technical Data Sheet, giroform, Ultra CFB, *shoqëruar me Vërtetim Njësie me Origjinalin nr.rep5952, datë 03.11.2022 dhe vërtetim përkthimi;*

III.8.5. Në neni 77, pika 1 dhe 4 “Kërkesat për kualifikim” të ligjit 162/2020 “Për Prokurimin Publik” parashikon shprehimisht se:

1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:

a) përshtatshmërinë për të kryer veprimtarinë profesionale;

b) gjendjen ekonomike dhe financiare;

c) aftësinë teknike dhe profesionale.

Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.

[...]

4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie.

Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvojë që vërtetohet nga referenca të përshtatshme nga kontratat e zbatuara në të shkuarën.

Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.”.

III.8.6. Neni 40 pika 3 “Kërkesa të veçanta për kontratat e mallrave”, të VKM Nr.285 datë 19.05.2021 “Për miratimin e rregullave të prokurimit publik”, parashikohet shprehimisht se:

3.Kërkesat e veçanta të kualifikimit duhet të përfshijnë të gjitha kriteret specifike, në përputhje me nenin 77, të LPP-së. Kriteret duhet të jenë në përpjesëtim dhe të lidhura ngushtë me aftësinë zbatuese, natyrën dhe vlerën e kontratës. Në çdo 38 rast, autoriteti/enti kontraktor duhet të përcaktojë dokumentet konkrete që duhet të paraqesin operatorët ekonomikë për përmbushjen e këtyre kriterëve.

III.8.7. Neni 40 pika 5 dhe 6 “Kërkesa të veçanta për kontratat e mallrave”, të VKM Nr.285 datë 19.05.2021 “Për miratimin e rregullave të prokurimit publik”, parashikohet shprehimisht se:

5.Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon:

ç) mjetet dhe pajisjet teknike që ka në dispozicion apo që mund t'i vihen në dispozicion operatorit ekonomik për të përmbushur kontratën, të nevojshëm për ekzekutimin e objektit të prokurimit.

6. Autoriteti/enti kontraktor mund t'u kërkojë operatorëve ekonomikë të dorëzojnë dëshmi, që tregojnë se ata i plotësojnë kërkesat minimale, të përcaktuara në dokumentet e tenderit, si:

a) mostra të mallit, kur e gjykon se kjo ka rëndësi për vlerësimin e ofertës teknike.

c) **dëshmi për rezultatet e testimeve zyrtare, të lëshuara nga institucione të autorizuar, që vërtetojnë pajtueshmërinë e produkteve me specifikimet teknike.**

III.8.8. Kriteret për kualifikim vendosen që t'i shërbejnë autoritetit kontraktor për të krijuar një panoramë të përgjithshme të kapaciteteve dhe mundësisë së operatorit për përmbushje me sukses të kontratës. Në varësi të kontratës dhe volumit të saj autoriteti kontraktor përcakton kërkesat e veçanta për kualifikim, të cilat janë të detyrueshme për t'u përmbushur nga operatorët ekonomikë pjesëmarrës në procedurat e prokurimit. Operatorët ekonomikë janë të detyruar të përgatisin ofertat, në përputhje me kërkesat e përcaktuara në dokumentet e tenderit dhe ofertat që nuk përgatiten në përputhje me këto dokumente duhet të refuzohen si të papranueshme. Gjithashtu një ndër parimet kryesore të zhvillimit të procedurës së prokurimit është ai barazisë në trajtimin e kërkesave dhe të detyrimeve, që u ngarkohen ofertuesve ose kandidatëve, parashikuar nga neni 3 i ligjit nr. Nr. 162/2020 “Për prokurimin publik”. Zbatimi i parimit të transparencës, barazisë dhe mosdiskriminimit, janë garancitë kyçe ndaj ofertuesve që ofron kuadri ligjor në fuqi. Këto parime ndër të tjera nënkuptojnë se operatorët ekonomikë duhej të jenë në një pozicion barazie, si kur përgatisin ofertat e tyre, ashtu dhe kur të vlerësohen ato. Në rastin konkret, bazuar në specifikimet teknike (shih shtojca 5 formulari i specifikimeve teknike, i modifikuar) të mallrave objekt-prokurimi, Komisioni gjykon, se për autoritetin kontraktor është tepër rëndësishme që të prokurojë mallra që plotësojnë specifikimet teknike, duke përcaktuar në mënyrë të detajuar të gjitha specifikimet teknike për mallrat/produktet objekt-prokurimi si dhe duke përcaktuar në kriterin e veçantë të kualifikimit (citojmë) “[...]Operatorët ekonomikë të cilët ofrojnë Letër A5, “Traktor” (3 kopje); Letër A4 “Traktor” (3 kopje) si produkt i gatshëm/final, duhet të paraqesin pranë Autoritetit Kontraktor autorizimin e prodhuesit ose distributorit të autorizuar së bashku me skedën teknike të produktit të ofertuar, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, “Traktor” (3 kopje); Letër A4 “Traktor” (3 kopje).

Skeda teknike të paraqitet për të dyja llojet e letrës traktor në përputhje me specifikimet teknike përkatëse.

Operatorët ekonomikë prodhues të produktit të gatshëm/final duhet të paraqesin pranë Autoritetit Kontraktor autorizimin e prodhuesit ose distributorit të autorizuar për lëndën e parë të përdorur për prodhimin e letrës traktor, si dhe duhet të paraqesin skedën teknike për letrën e përdorur gjatë prodhimit të letrës traktor, të certifikuar nga prodhuesi, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, “Traktor” (3 kopje); Letër A4 “Traktor” (3 kopje).

Skeda teknike të paraqitet për të dyja llojet e letrës traktor në përputhje me specifikimet teknike përkatëse. [...]”. Referuar kriterit të veçantë të kualifikimit rezulton, se është kërkuar shprehimisht që operatorët ekonomikë ofertues të cilët ofrojnë Letër A5, “Traktor” (3 kopje); Letër A4 “Traktor” (3 kopje) si produkt i gatshëm/final, duhet të paraqesin pranë Autoritetit Kontraktor autorizimin e prodhuesit ose distributorit të autorizuar së bashku me skedën teknike të produktit të ofertuar, ku të jenë të pasqyruara karakteristikat dhe specifikimet

teknike të kërkuara sipas specifikimeve për produktin Letër A5, “Traktor” (3 kopje); Letër A4 “Traktor” (3 kopje). Skeda teknike të paraqitet për të dyja llojet e letrës traktor në përputhje me specifikimet teknike përkatëse.

Ndërsa operatorët ekonomikë prodhues të produktit të gatshëm/final duhet të paraqesin pranë Autoritetit Kontraktor autorizimin e prodhuesit ose distributorit të autorizuar për lëndën e parë të përdorur për prodhimin e letrës traktor, si dhe duhet të paraqesin skedën teknike për letrën e përdorur gjatë prodhimit të letrës traktor, të certifikuar nga prodhuesi, ku të jenë të pasqyruara karakteristikat dhe specifikimet teknike të kërkuara sipas specifikimeve për produktin Letër A5, “Traktor” (3 kopje); Letër A4 “Traktor” (3 kopje). Skeda teknike të paraqitet për të dyja llojet e letrës traktor në përputhje me specifikimet teknike përkatëse.

III.8.9. Nisur nga arsyeja e skualifikimit se *“problematika janë konstatuar edhe në specifikimet teknike të depozituara nga ana e OE “Infosoft Office” SHPK ku vlerat e paraqitura kishin mospërputhje me vlerat e kërkuara në DST. Kjo vlen si për Letër A5, “Traktor” (3 kopje)” ashtu edhe për Letër A4 “Traktor” ” (3 kopje)*”, gjykojmë se autoriteti kontraktor në rastin konkret, vlerësimin e dokumentacionit të ofertuesve dhe përzgjedhjen e tyre, nuk e ka bërë në mënyrë të qartë dhe transparente, por ka skualifikuar operatorin ekonomik “Infosoft Office” SHPK pa përcaktuar se cili nga specifikimet teknike nuk përmbushet nga ky i fundit. Gjykojmë, se ashtu sikurse është barrë e operatorit ekonomik pjesëmarrës në procedurën e prokurimit objekt-shqyrtimi, të vërtetojë se disponon kapacitetet tekniko-ligjore në lidhje me përmbushjen e kriterit konkret, edhe autoriteti kontraktor (komisioni vlerësimi të ofertave) ka barrën e provës të vërtetojë dhe argumentojë se cilin nga specifikimet teknike operatori ekonomik ankimues nuk e plotëson duke argumentuar edhe specifikimin teknik që nuk plotëson. Pra bazuar edhe në nenin 82 pika 1 të ligjit 44/2015 “Kodi i Procedurave Administrative i RSH”, barra e provës në rastin konkret për vërtetueshmërinë e pretendimit i takonte komisionit të vlerësimi të ofertave të identifikonte në mënyrë të saktë dhe të qartë, se cili produkt nuk përmbushte specifikimin teknik dhe cilin nga specifikimet teknike nuk përmbushte ky produkt, pra në rastin konkret komisioni i vlerësimi të ofertave ka dështuar ta vërtetojë atë. Në këtë kuptim, për sa kohë autoriteti kontraktor nuk ka argumentuar se cilin specifikimet teknike nuk plotëson, KPP e gjen arsyen e skualifikimit të ankimuesit të pabazuar. Është detyrë e zyrtarëve përgjegjës, anëtarë të Komisionit të Vlerësimi të Ofertave, të pasqyrojnë në SPE vlerësimin e tyre në mënyrë të qartë, konkret dhe të kuptueshëm, në përputhje me LPP. Komisioni i Prokurimit Publik, në kushtet kur çështja në fjalë është e një rëndësie të veçantë, nisur edhe nga natyra e kontratës, vlera e kontratës, i është referuar edhe jurisprudencës së Gjykatës Europiane të Drejtësisë, e cila në çështje të ngjashme (shiko Çështjen C-27/15 Pippo Pizzo) ka konkluduar, se shkaqet e skualifikimit duhet të përcaktohen qartësisht dhe të publikohen paraprakisht në kohë të mjaftueshme, me qëllim që operatorët ekonomikë pjesëmarrës të njihen me këto shkaqe. GJED në vendimin e 22 mësipërm ka konfirmuar se “përcaktim qartësisht” i shkaqeve të skualifikimit, do të thotë që të garantohet se ofertuesit janë njohur me kërkesat specifike procedurale dhe që të njëjtat kërkesa, aplikohen njëjloj për të gjithë ofertuesit. Komisioni i Prokurimit Publik thekson faktin, se përcaktimi i procedurave dhe afateve të caktuara procedurale në LLP dhe Rregullat e Prokurimit Publik, duke filluar nga afati për përgatitjen e ofertës, afati i shqyrtimit të ofertave, afati i ankimimit etj, përfaqësojnë garanci dhe siguri juridike për palët e interesuara. Parimi i ligjshmërisë është ndër parimet kryesore të

veprimtarisë së organeve të administratës publike. Gjithashtu, ndër parimet kryesore të zhvillimit të procedurave të prokurimit, parashikuar nga lex specialis LPP, në nenin 2 të tij, janë ato të mosdiskriminimit, transparencës dhe barazisë. Tërësia e elementëve të mësipërme lidhet ngushtësisht me elemente të ligjshmërisë së vendimeve të organeve të administratës publike. Komisioni i Prokurimit Publik gjykon, se shkeljet e mësipërme, cenojnë në thelb jo vetëm garancitë procedurale të operatorëve ekonomikë pjesëmarrës, por njëherazi cenojnë edhe parimin e sigurisë juridike. Në jurisprudencën e saj Inter Allia, Gjykata Kushtetuese e Republikës së Shqipërisë në vendimin nr. 12/2014 datë 17.03.2014 është shprehur se “Siguria juridike nënkupton, ndërmjet të tjerash, garantimin e besueshmërisë së individit tek shteti, institucionet e tij dhe tek aktet që ato nxjerrin”. Sa më sipër, K.P.P. gjykon, se në rastin konkret parimi i sigurisë juridike në kuptimin material të tij, konsiderohet edhe moscenimi i të drejtave të fituara dhe i pritshmërive të ligjshme që garantojnë aktet në fuqi.

III.8.10. Nga ana tjetër, nisur nga pretendimi i operatorit ekonomik “Adel CO” SHPK, për skualifikimin e operatorit ekonomik “Infosoft Office” SHPK, KPP ashtu sic ka argumentuar në pikën III.7.5. të këtij vendimi, në rastin konkret, nga verifikimi i dokumentacionit të dorëzuar në sistemin e prokurimit elektronik, nga operatori ekonomik ankimues “Infosoft Office” SHPK, konstatohet se ky i fundit ka paraqitur dokumentin e lëshuar nga Algrafika SHPK, datë 03.01.2022 me përmbajtje *“Kompania Algrafika shpk me adresë Autostrada Tiranë – Durrës, Km 8, Kashar, Tiranë, në cilësinë e prodhuesit të letrës së vazhduar (traktor), deklaron se Infosoft Office shpk me adresë në Autostradën Tiranë – Durrës, Km8, Kashar, Tiranë, Shqipëri është distributor i autorizuar në Shqipëri për të gjitha prodhimet tona të letrës”*, pra operatori ekonomik “Infosoft Office” SHPK, me anë të dokumentacionit të mësipërm vërteton se do të furnizohet me produktin e gatshëm letër e vazhduar (traktor), nga prodhuesi i saj, shoqëria Algrafika SHPK. Pra, sa më sipër me dokumentacionin e paraqitur, konstatohet se operatori ekonomik “Infosoft Office” SHPK, nuk është prodhues i letrës së vazhduar (Traktor), por referuar dokumentit të lëshuar nga shoqëria Algrafika shpk, vërtetohet se kjo e fundit është prodhues i letrës së vazhduar (Traktor) dhe operatori ekonomik “Infosoft Office” SHPK është distributori i autorizuar në Shqipëri.

Në përmbushje të kriterit të kualifikimit në pikën 2.3.4 të kapacitetit teknik, të modifikuar, operatori ekonomik “Infosoft Office” SHPK, duke qenë se nuk është prodhues i letrës traktor por distributor i saj, ka paraqitur Skedë teknike për produktet Letër e vazhduar (traktor) A4 dhe Letër e vazhduar (traktor) A5, lëshuar nga shoqëria Algrafika SHPK, në të cilin pasqyrohen specifikime teknike për Letër e vazhduar (traktor) A4 dhe Letër e vazhduar (traktor) A5 si dimensionet, Nr i kopje: 3 (CF+CFB+CB), ngjyra, lloji i letrës, modeli, kuti: 1400 sete me 3 kopje, por nuk pasqyrohen specifikimet tjera për llojet e letrës të kërkuara nga autoriteti kontraktor.

Vlen të theksojmë se, autoriteti kontraktor në kërkesat e tij ka përcaktuar ndarjen midis operatorëve ekonomikë të cilët ofrojnë Letër A5, “Traktor” (3 kopje); Letër A4 “Traktor” (3 kopje) si produkt i gatshëm/final dhe operatorëve ekonomikë prodhues të produktit të gatshëm/final. Në rastin konkret, operatori ekonomik “Infosoft Office” SHPK, me dokumentacionin e paraqitur nuk është prodhues i letrës së vazhduar (Traktor), por referuar dokumentit të lëshuar nga shoqëria Algrafika shpk, vërtetohet se kjo e fundit është prodhues i letrës së vazhduar (Traktor) dhe operatori ekonomik “Infosoft Office” SHPK është distributori i autorizuar në Shqipëri, kështu që rrjedhimisht skedat teknike me të gjitha

specifikimet teknike të kërkuara për Letër traktor A4 dhe A5, duhet të paraqitur nga prodhuesi i letrës traktor, shoqëria “Albgrafika” SHPK.

Sa më sipër konstatuar, referuar specifikimeve teknike të kërkuara nga autoriteti kontraktor në dokumentet e tenderit, si dhe nga verifikimi i përmbushjes së këtyre specifikimeve në dokumentat e paraqitura nga operatori ekonomik “Infosoft Office” SHPK, konstatohet, se dokumentacioni i dorëzuar nga ky i fundit në SPE nuk përmban të gjitha elementet/specifikimet teknike të kërkuara nga autoriteti kontraktor.

Akoma më tej, Komisioni i Prokurimit Publik sjell në vëmendje, se operatori ekonomik ka detyrimin të paraqesë ofertën e tij në përputhje me të gjitha kriteret dhe specifikimet teknike të kërkuara nga autoriteti kontraktor në dokumentet e tenderit. Komisioni sqaron, se nëse operatori ekonomik ankimues do të kishte pretendime në lidhje me kriteret/specifikimet teknike të vendosura nga autoriteti kontraktor në dokumentet e tenderit, ka pasur në dispozicion momentin procedural të paraqitjes së ankesës lidhur me kriteret e përcaktuara në dokumentet e tenderit, parashikuar nga neni 110 pika 1/1 e LPP. Në nenin 110 pika 1/1 të ligjit nr.162 datë 23.12.2020 “Për Prokurimin Publik”, ku parashikohet se *“Në procedurat e prokurimit mbi kufirin e lartë monetar, në rastin e ankesave për dokumentet e tenderit, operatorët ekonomikë kanë të drejtë të ankohen brenda 10 ditëve nga publikimi i njoftimit të kontratës ose publikimi i ndryshimit të kërkesave në dokumentet e tenderit. Në procedurat e prokurimit nën kufirin e lartë monetar ky afat është 7 ditë.”*. Komisioni gjykon, se është detyrë e operatorëve ekonomikë të përgatisin ofertat e tyre në përputhje me kriteret dhe kushtet e vendosura nga autoriteti kontraktor në dokumentet e tenderit, për sa kohë që i kanë pranuar ato dhe nuk i kanë bërë në asnjë rast objekt-ankimimi.

Rrjedhimisht, pretendimet e operatorit ekonomik ankimues “Adel CO” SHPK për skualifikimin e operatorit ekonomik “Infosoft Office” SHPK qëndrojnë.

III.9. Lidhur me pretendimet e tjera të ngritura nga operatori ekonomik ankimues “Adel – CO” SHPK, mbi shtimin e arsyeve të skualifikimit të operatorit ekonomik “Infosoft Office” SHPK, gjykojmë, se referuar arsyetimit të mësipërm, gjendja faktike dhe juridike e operatorit ekonomik “Infosoft Office” SHPK, do të mbetet e skualifikuar nga procedura në fjalë, duke përmbushur kështu interesin e ankimuesit. Rrjedhimisht pretendimet e tjera të ngritura nga operatori ekonomik ankimues, nuk do të merren në shqyrtim, në respekt të parimit të ekonomisë në shqyrtimin administrativ.

Për sa më sipër, në mbështetje të neneve 30, dhe 118 të ligjit nr. 162/2020 “Për Prokurimin Publik”, Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, Vendimit të Këshillit të Ministrave nr. 261, datë 17.03.2010 “Për përcaktimin e tarifës dhe të rregullave për pagimin e saj, në një procedurë ankimimi, pranë Komisionit të Prokurimit Publik”, Vendimit të Komisionit të Prokurimit Publik Nr. 766, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik”, nenit 4, të Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”, Komisioni i Prokurimit Publik, Komisioni i Prokurimit Publik, njëzëri,

Vendos:

1. Të pranojë pjesërisht ankesën e operatorit ekonomik “Infosoft Office” SHPK, për procedurën e prokurimit “*Procedurë e hapur, mbi kufirin e lartë monetar*”, me Nr. REF-35897-07-08-2022, me objekt: Loti II “*Blerje Letër A5 "Traktor" (3 kopje), Letër A4 "Traktor" (3 kopje)*” me fond limit 33.972.532 lekë pa TVSH, zhvilluar me datë 07.11.2022 nga autoriteti kontraktor, Posta Shqiptare SHA.
2. Të pranojë ankesën e operatorit ekonomik “Adel CO” SHPK, për procedurën e mësipërme të prokurimit.
3. Autoriteti kontraktor të anulojë vendimin e KVO-së për kualifikimin e operatorëve ekonomikë “Marketing & Distribution” SHPK dhe “Inpress” SHPK, dhe të korrigjojë shkeljet e konstatuara si më sipër, duke i skualifikuar këta operatorë ekonomikë.
4. Autoriteti kontraktor të rishikojë arsyet e skualifikimit të operatorit ekonomik “Infosoft Office” SHPK dhe të korrigjojë shkeljet e konstatuara si më sipër.
5. Autoriteti kontraktor, brenda 5 ditëve, të vërë në dijeni Komisionin e Prokurimit Publik për zbatimin e këtij vendimi duke dokumentuar veprimet e kryera.
6. Ngarkohet zyra e financës të kryejë veprimet për kthimin e tarifës financiare të paguar nga operatorët ekonomikë “Infosoft Office” SHPK dhe “Adel CO” SHPK.
7. Kundër këtij vendimi mund të bëhet ankim në Gjykatën Administrative të Apelit.
8. Kopje e këtij vendimi i dërgohet për njoftim Agjencisë së Prokurimit Publik.

Ky vendim hyn në fuqi menjëherë.

KOMISIONI I PROKURIMIT PUBLIK

Nënkryetar
Fiorent Zguro

Anëtar
Kreshnik Ternova

Anëtar
Anila Malaj

Kryetar
Jonaid Myzyri

